

戶部卷之九

典章二十三

農桑

立司

立司農司見聖政勸農桑類

復立大司農司至元十年三月欽奉聖旨宣諭府州司縣達魯花赤管民官管軍官管站人匠打捕鷹房僧道醫儒也里可溫答失蠻頭目諸色人等據大司農司奏設立本司元交試勾當三年來今已三年若交依舊勾當更不再降聖旨諸官不肯盡心勾當准奏今降聖旨委大司農司依舊分布勸農官巡行勸課農桑興舉水利舉察勤惰仰各

路大小官員社長人等照依已降聖旨調畫依時用心勸課興舉一切種養栽植桑棗水利學校等事須要成功具申大司農及合干部分如長官有故或缺去處以次官不得推避虛閑月日失誤勸課農桑興舉水利勾當任滿乃交代官員給付解由上明注交割到桑事實跡如有不完給由判署官與得替官同罪按察司依舊體察如官員到部求仕仰合干部分照勘解由完備呈省下大司農司取會相同然後擬注期敦本抑末功效必成仍仰省部樞密院御司臺各各遍行所轄官司軍民籍諸色人等照依已降聖旨條畫施行不得中間違例沮壞若有勤謹栽到桑棗諸果及開到荒地之人非奉聖旨並不得添增差發如有不肯勤務生業之人亦仰合屬官司嚴加禁治又奏探馬赤等軍戶推避不肯入社又不存留又糧亦不肯與諸

人一體開興水利如所奏是實阿這的是眾人有益的勾當偏恁探馬赤軍戶每如何不一體入來聖首到日仰探馬赤軍戶等官人每省會各付見住處並行入社存留又糧合開水利與諸人一體施行

立社

勸農立社事理

一十五歲至元二十八年尚書省奏奉聖旨

節該將行司農司勸農司衙門罷了勸課農桑事理併入按察司除遵依外照得中書省先於至元二十三年六月十二日奏過事內一件奏立大司農司的聖旨奏呵與者麼道聖旨有來又仲謙那的每行來的條畫在先他省官人每的印信文字行來如今條畫根底省家文字裏交行呵怎生麼道奏呵那般者麼道聖旨了也欽此聖旨定到條畫開坐前去仰依上勸課行

一諸縣所屬村疇凡五十家立爲一社不以是何諸色人等並行立社令社眾推舉年高通曉農事有兼丁者立爲社長如一村五十家以上只爲一社增至百

家者另設社長一員如不及五十家者與附近村分相併爲一社若地遠人稀不能相併者斟酌各處地面各村自爲一社者聽或三四村五村併爲一社仍於酌中村內選立社長官司并不得將社長差占別管餘專一教勸本社之人務勸農桑業不致惰廢如有不肯聽從勸教之人籍記姓名候點官到彼對社眾責罰仍省會社長却不得因而搔擾亦不得率領社眾非理動作聚集以妨農時外據其餘聚眾作社者並行禁斷若有違犯從本處官司就便究治

一農民每歲種田有勤謹趁時而作者懶惰過時而廢者若不明諭民多苟且今後仰社長教諭各隨風土所宜須管趁時農作若宜先種儘力先行布種植田以次各各隨宜布種必不得已然後補種晚田瓜菜

仍於地頭道邊各立牌樞書寫某社長某人地段仰
社長時時往來點覷獎勵勤懲惰不致荒蕪仍仰隄備
天旱有地主戶量種區田有水則近水種之無水則
鑿井如井深不能種區田者聽從民便若水田之家
不必區種據區田法度另行發去仰本路刊板多廣
印散諸民若農作動時不得無故飲食失悞生計

一每丁週歲須要栽桑棗二十株或附宅栽種地桑
二十株早供蟻蠶食用其地不宜栽桑棗各隨地土

所宜栽種榆柳等樹亦及二十株若欲栽種裸果者

每丁限種十株皆以生成爲定數自願多栽者聽

若本主地內栽種已滿別無餘地若有上年已栽桑果數

可栽者或有病喪丁數在此目另行具報却不得朦昧報充次年數目或有死損

從實申說本處官司申報不實者並行責罰仍仰隨

社布種首耨初年不須割刈次年收到種子轉展分散務要廣種非止喂養頭足亦可接濟飢年

一隨路皆以水利有渠已開而水利未盡其地者有全未曾開種種地并劫可挑極者委本處正官一員選知水利人員一同相視中間別無違礙許民量力開引如民力不能者申覆上司差提舉河渠官相驗過官司添力開挑外據安置水碾磨去處如遇澆田時月停住碾澆溉田禾若是水田澆畢方許碾磨依舊引水用度務要各得其用雖有河渠泉脉如是地形高阜不能開引者仰成造水車官爲應付人匠驗地里遠近人戶多少分置使用富家能自置材木者令自置如貧無材木官爲買給已後收成之日驗使水之家均補還官若有不知造水車去處仰申覆上司

開樣成造所據運鹽運糧河道仰各路從長講究可
否申覆合于部分定奪利國便民兩不相妨

一近水之家許鑿池養魚并鵝鴨之類及栽種蓮藕雞
頭菱角蒲葦等以助衣食如本主無力栽種召人依
例種佃無致閑歇無用據所出物色如遇貨賣有合
稅者依例赴務投稅難同自來辦河泊勅立課程以
致人民不敢增修

一本社內遇有病患凶喪之家不能種蒔者仰令社眾
各備糧飯器具併力耕種勸治收刈俱要依時辦集
無致荒廢其養蠶者亦如之一社之中災病多者兩
社併勸外據社眾使用牛隻若有倒傷亦仰照依鄉
原例均助補買比及補買以來併力助工如有餘剩
牛隻之家令社眾兩和租賃

一應有荒地除軍馬營盤草地已經上司撥定邊界者並公田外其餘投下探馬赤官豪勢要之自行占冒年深歲荒閑地土從本處官司勘當得實打量見數給付附近無地之家耕種爲主先給貧民次及餘戶如有爭差申覆上司定奪外據祖業或立契買地土近年消乏時暫荒閑者督勒本主立限開耕租佃須要不致荒蕪若係自來地薄輪番歇種去處即仰依例存留歇種地段亦不得多餘冒占若有熟地失開本主未耕荒地不及一項者不在此限及督責早爲開耕

一每社立義倉社長主之如遇豐年收成去處各家驗口數每口留粟一斗若無粟抵斗存留雜色物料以備歉歲就給各人自行食用官司並不得拘檢借貸

動支經過軍馬亦不得強行取要社長明置文歷如欲聚集收頓或各家頓放聽從民便社長與社戶從長商議如法收貯須要不致損害如遇天災凶歲不收去處或本社內有不收之家不在存留之限

一本社若有勤務農桑增置家產孝友之人從社長保申官司體究得實申覆上司量加優恤若社長與本處官司體究所保不實亦行責罰本處官司並不得將勤謹增置到物業添加差役

一若有不務本業游手好閑不遵父母兄長教令兇徒惡黨之人先從社長叮囑教訓如是不改籍記姓名候提點官到日對社長審問是實於門首大字粉壁書寫不務正業游惰兇惡等如稱如本人知恥改過從社長保明申官毀去粉壁如是不改但遇本社合

五〇一
其章二十三
著夫役替民應當候能自新方許除籍

一今後每社設立學校一所擇通曉經書者為學師於農隙時分各令子弟入學先讀孝經小學次及大學論孟經史務要各知孝悌忠信敦本抑末依鄉原例出辦束修自願立長學者聽若積久學問有成者申覆上司照驗

一若有虫蝗遺子去處委各州縣正官一員於十月內專一巡視本管地面若在熟地併力番耕如在荒野先行耕圍籍記地段禁約諸人不得燒燃荒草以免來春虫蝻生發時分不分晝夜本處正官監視就草燒除若是荒地窄狹無草可燒去處亦仰從長規畫春首捕除仍仰更為多方用心務要盡絕若在前鹽草地內虫蝻遺子者申部定奪

一先降去詢問條畫並行革去止依今降條畫施行

一若有該載不盡農桑水利於民有益或可預防蝗旱
災咎者各隨方土所宜量力施行仍申覆上司照驗

一前項農桑水利等事專委府州司縣長官不妨本職
提點勾當有事故差去以次官提點如或有違慢沮
壞之人取問是實約量斷罪如有恃勢不伏或事重
者申覆上司窮治其提點不得勾集百姓仍依時月
下村提點止許將引當該司吏一名祇候人一二名
無得因多將人力搔擾取受據每縣年終比附到各
社長農事成否等第開申本管上司却行開坐所管
州縣提點官勾當成否編類等第申覆司農司及申
戶部照驗才候任滿於解由內分明開寫排年考較
到提點農事工勤惰廢事跡赴部照勘呈省欽依見

降聖旨依附以爲殿最提刑按察司更爲體察

至元新格

二款

諸社長本爲勸農而設近年以來多以差科干擾大失元立社長之意今後凡催差辦集自有里正主首其社長使專勸課凡農事未喻者教之人力不勤者督之必使農盡其功地盡其利官司有不復遵守妨廢勸者從肅政廉訪司究治

諸州縣官勸農者日社內有有遊蕩好閑不務生業累勸不改者社長須得對眾舉明量行懲戒其社長若年小德薄不爲眾人信服即聽詢舉深知農事高年純謹之人易換

蒙古軍人立社

至元二十九年閏六月御史臺奉中書省劄

付樞密院呈據蒙古都萬戶府呈原准河北河南道按察分司省會將探馬赤軍人與諸人一體入社依例勸課事

府司照得欽奉聖旨節該干礙軍數文卷按察司體例者除依外府司看詳按察司爲朝廷腹心耳目尚然不許知會軍數蓋爲軍國事可宜密切所以如此閑防若將本管蒙古軍人却與漢兒民戶一同入社其各處管民官司備知府卑職見蒙古軍數又緣本管蒙古軍人自來不曾與漢兒民戶一同入社於公不便若將本管蒙古軍人另行爲社令見設本與魯官一體勸諭農事似爲相應具呈照詳事得此於至元二十九年三月二十日奏過事內一件脫兒不花奏將來有廉訪司官人每俺根底與文字省官每奏准蒙古探馬赤每根底與漢兒民戶一處作社者麼道與文字來俺怎生理會麼道說將來有俺商量來軍每的數日教他知道體例無有麼道奏呵休與漢兒民戶一處相合者依著萬戶的體例裏另行麼道聖旨了也欽

此

更替社長大德三年四月初六日江西廉訪司據龍興路牒該奉行省劄付准中書省咨為設立社長事先據知事張登仕呈近為體復災傷到于各處喚到社長人等係婦人小兒問得該吏稱說自至元三十年定立社長經今五年多有逃亡事故為是不曾申舉到官未經補替切詳設立社長勸課農使民知務本興舉學校申明孝悌使彝倫攸敘糾斥兇頑檢察非違使風俗歸厚皆非細務今各處社長多不見年高德劭通曉農事為眾姓服之人大失原立社長初意乞施行得此合牒可照依都省咨文內事理將年高通曉農事之人立設社長並不得差占別管餘事一切教本社人民務勤農業不致惰廢仍免本身雜役毋得以前設立不應並別行差占致悞農事將立定社長姓名牒

司

社長不管餘事

大德六年正月

日江西湖東道肅政廉訪

司承奉御史臺劄付准御史臺咨承奉中書省劄付翰林院侍講學士王中順呈奉省劄付前來賑濟淮東被風潮災傷人戶當時行省劉左丞御史臺所委官淮東廉訪司張簽事分頭前去各州縣審復賑散三箇月糧米今已俱還揚州攢造文冊候畢另呈外緣卑職原分通州一州靖海海門兩縣最極東邊下鄉其間見有勾集人編排引審次序支請盡係社長居前里正不預多有年小愚駮之人草屨赤脛言語嘲哂怪而問之州縣官員同辭而對目今諸處通例如此卑職照得初立社長根源欽奉世祖皇帝聖旨係畫節該諸州縣所集村疇凡五十家爲一社不拘是何諸色人等並行入社令社眾推舉年高諳知農事者

爲社長不得差占別管餘事又照得欽奉聖旨隨處百姓
有按察司有達魯花赤管民官社長以彰德益都兩處一
般歹賊每呵他管什麼已後似那般有呵本處達魯花赤
管民官社長身上要罪過者欽此切詳按察司達魯花赤
管民官下便列社長責任非輕當時又立學師每社農隙
教誨子弟孝悌忠信勤身肥家遷善遠罪故孟子凡言王
政必以農桑庠序爲先國家所行摘此二事就委按察廉
訪官勸課農桑勉効學校亦此意也社長社師外似迂緩
中實緊切况兼至元新格內一欵節該社長近年多以差
科干擾今後催督辦集自有里正主首使專勸農官司妨
廢者從肅政廉訪司糾彈社內有遊蕩好閑不務生理累
勸不改者社長對眾舉明量示懲勸其年小德薄不爲散
人信服即聽推舉易換諸假托神靈夜聚明散凡有司禁

治事理社長每季須誠諭使民知畏毋陷刑憲累奉如此
卑職伏思自中統建元迄於今日良法美意莫不畢備但
有司奉行不至事久弊生社長則別管餘事社司則廢棄
不舉以至如逆賊段丑厮輩貫穿數州恣行煽惑無人盤
詰皆二事廢隨失其原行之所致也斯乃賑濟丁鄉親所
見愚意以爲合行申明舊例令社長依前勸課農桑誠飭
游蕩防察姦非不管餘事則百姓富社師依前農隙闡學
教以人倫不敢犯上則刑清民富刑清爲治之本所見如
此除已移牒肅政廉訪司照依累奉聖旨糾彈易換外如
其可採乞賜劄付御史臺行下諸道一體施行澤此照得
先據大司農司呈會驗至元七年二月欽奉聖旨勸農條
畫內一欵節該諸縣所屬村疇凡五十家立爲一社令社
眾惟舉年高通曉農事有兼丁者立爲社長官司並不得

差占別管餘事專一照管教勸本社之人務勤農業今體
知得府州司縣往往將年小不通農事之人立爲社長時
長差占有妨勸諭農民深爲未便擬合劄付各廉訪司行
移合屬將不通曉農事之人盡行革罷選年高通曉農事
者立爲社長並不得差專別管餘事占一教勸本社之人
務勤農業不致墮廢已於大德二年正月二十五日通行
合屬依上施行去訖今據見呈都省除外合下仰照驗欽
依已降聖旨事意施行

勸農

種治農桑法度至元十六年三月行御史臺據淮西江北道按察司申照得欽奉聖旨條畫大兵渡江以來田野之民無不擾動今已撫定宜安本業仰各處正官歲時勸課功程如無成效者糾察又欽奉聖旨節該提刑按察司官所至之處勸課農桑問民疾苦欽此除原行外又於訪書內採擇到樹桑良法開坐通行所屬督勒社長勸諭農民趁時栽種外訖照驗憲臺仰行移所屬依上施行

種桑齊民要術收黑桑椹以水淘子畦種常蕐令淨如種葵法土不得厚厚即不生待高一尺上糞一遍

一肥勝之書曰四月取椹著收種水中淘洗取子陰乾每一畝用椹子三升黍三升相合布種黍桑俱生鋤

令稀疎秋後刈倒候有風走火燒過桑至春生每畝可飼蠶三箔

一務本新書畦種東西握畦熟糞和土摟平下水濕透然後布樵子和黍子同種樵藉黍力易生又遮日色仍預於畦南畦西種麻後藉陰遮映夏日長至三二寸旱則澆之十日之後桑與黍皆同時刈倒因風燒過仍採糞土蔽灰來春榮茂每科自出芽三數箇留旺者一條次年移栽

又一蠶春月先於熟地內東西成行勻稀種麻將桑樵與蠶沙相和或沙黍穀亦可雨後於麻北單構或點種比之搭棚遮日與黍同種綠麻陰高密又透風露雖種數畝不甚委曲費力

地桑齊民要術桑樵畦種正月移而栽之每一坑栽一根將

根坐於泥中欲疾現上者栽二根按至坑底提三五次根
科舒順頂與坑平擁周圍熟土全坑滿次日築日用虛土
封堆如大鍬子樣厚五寸七寸周圍自成環成芽出土四
五指每一根止留一二條繞鋤如法當年可長五尺餘次
年附根割條葉飼蠶割過處每一根盤周圍數芽却出可
留四五條餘者間去年年附近割之根漸漸旺桑漸多

一齊民要術五月二月以鈎拔壓下枝著地渠條桑生
高數寸壅之濕則爛明年正月中截取栽之

一仕民必用春氣初透將地桑傍邊一條稍頭截了三
五十地上先兜一渠可深五指餘畝條於內用拘橛
子攀釘住懸空不令有土其後芽條向上生如細把
齒橫條上約五寸留一條其餘剥去至四五日間晴
天已午橫條兩邊取熱塘土擁橫條上成壠橫條即

為卧根至晚澆其根科至秋其芽條皆為條身至十月或次年春分前後於卧根頭截斷取出土隨間空處斫斷如拐子樣每一根為一栽此法出殯栽子無窮

移栽士農必用將畦內種出桑科連根掘出栽如前法待桑身長五尺餘割去稍子則橫條自長澆治有功至秋長大如壯綠十月內或次年春可移為行桑

提調點觀農桑大德三年五月行御史臺准御史臺咨奏過事內一件教百姓每謹慎種養栽接的路府州縣官提調著依時親自點觀者廉訪司官也提調觀者麼道司農司聖旨條畫裏這般著有這般挨次重併點觀呵百姓每生受親臨百姓的州縣司官點觀者除那的外路府州官等則依體例提調呵中也者說有似這言語在先一箇人題

說與文書呵他說的是有教那般行者麼道行文書來係聖旨條畫裏說載的言語麼道御史臺司農司官人每俺根底回將文書來他的言語是有這般行怎生商量來奏呵奉聖旨那般行者

食踐田禾斷例至大元年三月行臺御史臺咨承奉中書省劄付蒙古文字節該大德十一年九月二十三日欽奉聖旨今年百姓每田禾好生不成收成來恹薛反昔寶赤諸王附馬的伴當每外各枝兒等食踐田禾百姓俱入每的場裏奪要田禾雞米草萊羅葡喂欺負百姓每也者如今省官人每行文書禁約者這般曉諭了使氣力奪要田禾雞米草萊羅葡等物的人每拿住呵打七十七下拿住的人根底與賞麼道傳聖旨來欽此

勸課趁時耕種至元十七年四月御史臺承奉中書省劄付

會驗累經欽依聖旨條畫行下合屬委自提點正官深加勸課趁時多廣開耕播種栽植桑棗樹木開闢地土頃畝興舉水利義倉親舊現在切恐怠惰都省相度仰今屬常切體覆施行

革罷下鄉勸農江西行省准中書省咨至元二十八年十二月十五日奏過事內一件江南勸課農桑那裏的路官每親身巡行呵搔擾百姓有不教行呵怎生麼道奏呵與理會的南人每一處商量了說者麼道聖旨有來俺眾人與南人每一處商量來那的每也則這般說有江南勸課農桑的不教官人每提調著呵百姓每也不怠慢向前有不交官畝巡行依時節行文書呵中也者麼道說有俺也那般商量來麼道奏呵那般者麼道聖旨了也欽此

農桑至大三年二月尚書省奏奉聖旨大司農司總挈天下

農政設學校以養人材積義糧以備凶歲滋養栽植興舉水利賞勤罰惰期於敦本抑末管民官依時勸課廉訪司提綱年終通行比較考其殿最類申大司農司定奪黜陟務要實效無事虛文所有條畫開列於後

一農桑國家經賦之源生民衣食之本累降詔條勸課而有司奉行不至加之軍馬營寨飛放圍獵喂養馬馳牧放係官頭疋人等縱放食踐田禾損壞樹株以致農桑墮廢今後路府州縣達魯花赤長官常切禁治若有違犯之人斷罪賠償各管頭目有失鈐束具名以聞各處和買柴薪毋令百姓砍伐桑棗送納及街市貨賣違者斷罪提調官禁治不嚴亦行究治

一興舉學校王政所先蓋自累朝教不輟迄今未見成效而今後路府州縣正官教官照依累降條畫主領

敦勸廉訪司常加勉勵務要作成人材以備擢用

一播種當時雨降應候農作方急官司却行科著人夫差倩車牛妨奪農時致有愆期不能下種今後人民農作收刈時月但有一切造作夫役等事本管官司非奉省部明文毋得擅將力田農民倩差搔擾違者廉訪司究治

一田間溝渠勢要之家阻當不得開挑縱自流通却行滄沒隄田各處官司常加曉諭相地開濬使水歸毋令互相滄沒違者究治工役大者申官定奪

一秋耕其利甚大除牧養係官馬馳去處照依原行條畫秋耕一半其餘去處隨其風土所宜聽民儘力秋耕

一每社設立社長一名令社眾推舉年高有德通曉農

事者充專一教勸農民務勤農業不致惰廢今後路府州縣並不得將社長差占別管餘事違者當該官吏斷罪廉訪司官究治

一農民栽植桑棗今行已久而有司勸課不至曠野尚多是知年例考較總爲虛數自今除已栽樹枝以各家空閑土地十分爲率於二分地內每丁歲栽桑棗二十株其地不宜桑棗各隨風土所宜願栽榆柳雜果若多栽者聽皆以生成爲數若有死損驗數補栽本年已栽桑果等樹次年不得朦朧抵數重報親民官時加點勸課依期造冊申覆本管路府體覆是實保結牒呈廉訪司通行體究若有虛冒嚴加究治年終比附殿最類申大司農司以憑黜陟

一該載不盡事理照依累降條畫事理施行

栽種

開田栽桑年限至元八年四月初三日御史臺承奉尚書省
劄付先爲人戶凡有開荒作熟地土限五年驗地科差行
據大司農司講究得中書省奏准條畫內一欵若有勤務
農桑增置家產業本處官司並不得添加差役已經遍行
照會外若不立定年限恐民無以取信除地開荒作熟土
月日爲始限五年外據劄栽桑科並雜果等樹比及生成
得力桑科擬限八年雜果等樹擬限一十五年自栽種月
日爲始驗各色年限滿日本處官司至日申覆上司定奪
科差本司官於三月十九聞奏過奉聖旨那般者欽此
道路栽植榆柳槐樹至元九年二月欽奉聖旨諭隨路達魯
花赤管民官管軍官管站打捕鷹房僧道醫儒也里可溫

答失蠻頭目諸色人等據大司農司奏自大都隨路州縣城郭周圍並河渠兩岸急遞鋪道店側畔各隨地宜官民栽植榆柳槐樹令本處正官提點本地分人護長成樹係官栽到者各家使用似爲官民兩益准奏隨路委自州縣正官提點春首栽植務要生成仍禁約蒙古漢軍探馬赤權勢諸色人等不得恣縱頭疋咽咬亦不非理斫伐違者仰各路達魯花赤管民官依例治罪本處官却不得因而搔擾違錯

禁伐柑橙果樹至元十七年十月中書省蒙古文字譯該中書省官人每根底站歌言語燕站木兒兄弟教奏每年進將來的柑橙樹木蠻子每不收拾斫伐損折有麼道奏阿省官人每根底說了呵各路裏各蠻子城子裏交與將又字去者休教斫伐損折了好生的收拾去麼道聖旨了

也欽此

勸諭茶戶栽茶元貞元年三月十三日大司農司據江西等處權茶都運司狀申本司副司脫和思朝請牒該會驗欽奉聖旨條畫內一款舊來茶園諸人不得斫伐縱恣頭匹啣咬頓壞違者重行斷罪欽此近年茶稅重大務官刁蹬人難却有一等愚民因而斫伐茶株往往改業誠恐虧損官課叅詳茶課理合照依勸課農桑令各處管民官不妨本職勸諭茶園磨戶廣栽茶株趁時月採摘造茶不得似前斫伐仍禁約縱恣頭匹啣咬等事牒請施行准此照得勸諭栽茶即與勸農桑一體俱隸各路有司親管申乞施行本司各下仰遍行合屬依上勸諭依時栽種施行

禁斫伐桑果樹大德五年五月行臺准御史臺咨據監察御史呈夫農桑者百姓衣食之原國費之本不爲不重今體

知隨處官司每年雖令民間栽植其舊有大樹近年以來被一等等不務本業拾柴爲生之徒竊見身稍頗有枯槁去處用斧劈斫作柴貨賣以養妻子地主雖見不能禁止亦有自行砍斫之家其原斫痕跡經值歲月又以枯乾一復一年依前劈斫每樹十分劈去六七者有之八九者有之連根砍去者有之風雨刮折者有之因此十損八九若不早爲禁治深不便益原其情由蓋因管民官不爲用心禁治各道廉訪司少加體察以致如此卑職看詳擬合遍行隨處官司自今而後嚴切禁約排門粉壁仍許諸人捉拿首告將犯人痛行斷罪賠償廉訪司常加體問具呈照得此照原例元貞元年五月初二日聖旨節該今後但是田禾裏交頭入去教喫了呵桑菓樹木斫伐了呵咽咬了呵斫折了呵城子裏達魯花赤總管每就便提調者依在先

聖旨體例裏交賠了要罪過者這聖旨宣諭這般了呵城
子裏達魯花赤總管不好生用心禁約呵覷面皮不交賠
呵咱每根底奏者欽此

水利

興舉水利至元九年二月欽奉聖旨諭各路達魯花赤管民官管站打捕鷹房僧道醫儒也里可溫答失蠻頭目諸色人等近為隨路可興水利遣官分道相視見數特命中書省樞密院大司農司集議得于民便益皆可興開為此今降聖旨仰大司農司定立先後興舉去處委巡行勸農官于春首農事未忙秋暮農工閑慢時分布監督本路正官一同開挑所用人工儘附近不以是何人戶如不敷許于其餘諸色人內差補外據修堰渠閘一切物件必須破用官錢者仰各路于係官差發內從實應付具申省部務要成功先從本路定立使水法度須管均得其利拘該閘渠池面諸人不得遮當亦不得中間沮壞如所引河水干礙

漕運糧鹽及動碾磨使水之家照依中書省已奏准條畫定奪兩不相妨若已興水利未盡其地或別有可以開引去處盡圖開申大司農司定奪興舉勸農官並本處開渠官却不得因而取受非搔擾

提點農桑水利

至元二十九年六月欽奉皇帝聖旨宣諭諸

路府司縣達魯花赤管民官提點農桑水利官吏人等據中書省奏在前爲勸農的上頭各處立著勸農司衙門來後頭罷了併入按察司時節按察司名兒裏與了聖旨來如今按察司改做肅政廉訪司也依那體例裏倒換與他每聖旨宣諭似望各各盡心早得成就准奏仰各道肅政廉訪司官照已降聖旨巡行勸課舉察勤隨路若有勤謹官員仰各路具實跡牒報巡行勸農官體覆得實大司農司呈省聞奏於銓選時定奪如文字遲慢肅政廉訪司官

即將當該司吏對提點官責罰如更遲悞將經歷知事按牘官及勸農遲慢司縣提點官就便取招申大司農司責罰其各路并府州提點官違慢者大司農司取招呈省定奪外據社長委有公勤實效之人行移巡行勸農官體覆得實申覆大司農司定奪如有違慢者仰就依理責罰黜罷這般省諭了呵勸司農官吏并本處官吏人等却不得因而取受看循面情非理行事本處官司及不以是何人等亦不得使氣力搔擾社長妨奪勸農事務如違治罪仍仰肅政廉訪司照依已降聖旨更爲體察施行

災傷

災傷地稅住例至元九年六月中書省據御史臺呈河北河南道按察司申該隨路至元六年七年透納災傷糧數送戶部議擬得今後各路遇有災傷隨即申申部許准檢踏是實驗原申災地體覆相同比及造冊完備擬合辦實損田禾頃畝分數將實該稅石權且住催聽候如此不致透納都省准呈

檢踏災傷體例至元十九年御史臺咨承奉中書省劄付戶部呈照得各處每年申到蠶麥秋田水旱等災傷憑准各道按察司正官檢視明白至日驗分數依例除免近年以來按察司官不為隨即檢踏宜待因輪巡按勘已是過時又是番耕改種以致積累合免差稅數多上司為無檢傷

明文止作大數一體追徵逼迫人民甚至生受按察司官所至之處職當問民疾苦豈可因循如此今後各道按察司如承各路官司申牒災傷去處正官隨即檢踏實損分數明白回牒各處官司繳連申部隨即免除庶使百姓少安呈乞照詳都省仰照驗施行

水旱災傷減稅糧事至元二十八年十一月御史臺呈奉中書省劄付據隨路人民但被旱澇等災傷依期申報體覆是實保申到合無量展限期秋田不過九月非時災傷依舊一月爲限限外申告並不准理庶望官民兩便咨請定奪准此送戶部照擬得江南風土既與腹裏不同合依行省所擬具呈照詳都省准呈咨請照驗施行

賑濟文冊大德八年江浙行省准中書省咨河北江南道奉使宣撫呈攢造災傷文冊不便淮安路總管府推官吳呈

務呈各處水旱依例委官檢踏才候了畢勾稱州縣人吏
赴路攢造備細帳冊三本呈報行省宣慰司總管府衙門
所有合用紙扎燈油往回盤費一切所需既無官破不無
塢斂于民始因百姓病苦及其賑濟亦復如是甚為不便
合無今後但遇災傷或賑濟貧民止令親管司縣攢造村
莊花名備細文冊各處所委檢踏等官于上書押將總數
申覆各處上司似望革去擾民之弊照得今歲賑濟甚大
若依前攢造花名文冊實為重費又繁如蒙改革官民兩
便緣係通例具呈照詳得此送戶部照擬得今後但遇災
傷或賑貸貧民終是動搖除豁錢糧置存稽考文字擬依
准奉使宣府所擬令親管司縣攢造村莊花名文冊一本
監臨官司收掌以憑照勘外其餘合于上司止類總數文解
申報庶免文弊都省准擬咨請依上施行

捕除虫蝗遺子至大三年二月尚書省據御史臺呈據監察御史呈近奉御史臺劄付爲涿州等處飛蝗生發仰督責各處捕蝗官吏併力捕除盡絕等事檢照得至元七年二月欽奉聖旨定到勸農條內一欵若有虫蝗遺子去處州縣正官一員于十月內專一巡視本管地面若在熟地併力番耕如在荒坡大野先行耕圍籍記地面禁約諸人不得燒燃荒草以備來春虫蝗生發之時不分明夜本處正官監視藏草燒除若是荒閑地面窄狹無草可燒去處亦仰從長規畫春首捕除仍更爲多方用心務要盡絕若在煎鹽草地內虫蝗遺子者申部定奪欽此今檢閱古書畧陳治蝗方法具照詳得此都省除外請遍行合屬照會施行

一書云蝗不食豆苗且慮遺種爲患勸民于飛蝗坐落

去處廣種豌豆非惟翻耕殺慮遺種次年二月四月
民獲大利

一古書云取騰月雪水煮馬骨放水冷浴諸種子生苗
虫蝗不食

戶部卷之十

典章二十四

租稅

納稅

種田納稅中統五年正月中書省奏已前成吉思皇帝時不以是何諸色人等但種田者依例出納地稅外據僧道也里可溫答失蠻種田出納地稅買賣出納商稅其餘差役蠲免合罕皇帝聖旨裏也教這般行來自貴由皇帝至今道也里可溫答失蠻地稅商稅不曾出納合無依舊徵納事准奏今仰中書省照依成吉思皇帝聖旨體例僧也里可溫答失蠻儒人種田者出納地稅

白地每畝三升水地

每畝五升 買賣出納商稅據該納丁稅蒙古回回河西漢
兒並人匠及不以其是何投下諸色人等官豪勢要之家但
種田者依上徵納地稅外蒙古漢兒軍站戶計減半送納
仍免遠倉仰行下領中書左右部兼諸路都轉運司及其
隨路宣慰使司俱一體施行

小戶帶納者聽至元新格內一欵諸稅石嚴禁官吏勢要人
等不得結攬若近下戶計去倉地遠願出腳錢就令近民
帶納者聽其總部稅官斟酌各處地里定立先後還次約
以點集處所覩得別無輕賚攬納之數令分部管押入倉
依數交納得訖朱鈔即日發還惟總部官直須州縣納盡
方許還我

徵納稅糧至元二十八年八月准中書省咨科稅條畫內一
欵隨路合收米粟至元三年十一月內欵奉聖旨節該今

後各處正官部稅須要送納乾園絕谷白米新粟欽此又
欽奉聖旨節該但是倉裏支的米內帶糠支有已後休與
糖米與潔淨好米者欽此又于至元十六年欽奉聖旨今
後迤北去的糧都教篩拂的乾淨呵運將去收呵也要乾
淨的著欽此于至元二十八年三月二十五日奏過事內
一件合起運的糧倉裏糖土相和著有麼道說有如今搶
撮了起運呵怎生若搶撮呵折了也者奏知者麼道說將
來有麼道奏呵這的索甚麼說量這些箇完澤主杖呵不
中那甚麼那般者搶撮了呵起將來者麼道聖旨了也欽
此都省議得隨處糧斛皆係人戶原納乾園潔淨好糧攢
運其間各處倉官斗脚船戶押綱人等多有作弊侵盜食
用而插和糠粃或用水拌抵數欺官以致不耐久積發變
損壞兼海道運糧萬戶府並漕運官員有失關防鈐束所

致咨請行下合屬欽依累降聖旨事意據各處倉分收受糧斛須要乾圓潔淨之物如遇起運即令各倉用印封裹內一裹本倉收貯一裹呈解本省咨發前來二裹吩咐運糧萬戶府押糧官賞赴直沽等處收糧倉分存留一顆備照開折對樣官交收若有濕潤或帶糠土不淨糧數定是根揆究治施行

一納糧人戶許令自行寫鈔禁治諸人並不得結攬寫鈔取受分文錢物如違治罪

一如遇人戶赴倉送納糧米須用官降斛斗兩平收受一色無糠粃乾圓潔淨好米新谷但有糠粃不堪受持定勒倉官人等賠償除正耗外毋餘得多答帶斛面仍出榜禁治諸人不得結攬輕賚如糧送納到倉當日即便出給朱鈔毋得取受分文加耗鈔物及不

得刁蹬留難納戶如有違犯之人捉拿到官追賠所攬糧斛依條斷罪

一各處應于收貯糧斛倉廩什物預爲修理須要堅牢如法鋪襯不致上漏下濕損壞官糧委各路達魯花赤長官一員專一提調釐勒倉官人等挑到曝涼毋致損壞如違議罪均賠

稅糧違限官員科罪至元三十年四月行御史臺近據江南

浙西道廉訪司申各路違限稅糧初限笞四十再犯杖八十是否斷決路官唯復止決縣官或路縣官合無一體又不知十二月末限滿足者是否三限如何加罪爲此移准御史臺呈奉中書省劄付送戶部照據回呈照得科稅條畫內一欵欽奉聖旨節該稅糧初限十月中限十一月終末限十二月終違限者初限笞四十再犯杖八十但結攬

稅石及自願令結攬與官司許諸人首告得實並斷按答
奚罪戾令結攬官司依原科石罰賠赴所指倉分送納若
本處不差正官權官部稅將來若有失限或稅石不足各
處達魯花赤管民官部民官部糧官不分首從一同斷罪
欽此照得上年稅石違限不行納足去處定將各路府州
司縣正官首領官人吏依條斷罪宣慰司首領官人吏違
慢亦行斷罪任滿官但有拖欠稅石無得給由如有看循
故行給由者定勒賠納拖欠稅石更行斷罪奉此都省合
下仰依上施行

起徵夏稅大德元年三月行省准中書省咨該元貞二年九
月十八日奏過事一件節該江南百姓每的差稅亡宋時
秋夏稅兩遍納有夏稅木綿布絹絲綿等各處城子裏出
產的物折做差發斟酌教送納有來秋稅止納糧如今江

浙省所管江東浙西這兩處城子裏依著亡宋例納有除
那的外別箇城子裏依例納秋稅不曾納夏稅江西的多
一半城子裏百姓每比亡宋時分納的如今納秋稅重有
謂如今收糧的斟酌比亡宋文思院收糧的斛抵一箇半
大若再科夏稅呵莫不百姓根底重復麼兩廣這幾年被
草賊作耗百姓失散了有那百姓每根底要呵不宜也者
浙東福建湖廣百姓每夏稅依亡宋體例交納呵怎生奏
呵奉聖旨那般者欽此都省咨請委官追尋亡宋舊有科
徵夏稅板籍誌書一切文憑除文思院斛抵數准納省斛
及已科夏稅外但有未科去處自元貞三年爲始照依舊
例比數定奪科徵務要均平仍將本省合科夏稅去處各
各則例同已未科徵備細數目通行造冊開咨准此

官租秋糧折輕費大德元年六月三十日江西省准中書省

咨照得元貞二年七月初二日奏奉聖旨節該江浙湖廣

江西三省所轄的百姓每合納的糧驗著軍人每的合請的口糧更別項支持的斟酌交納除外交百姓納輕賣鈔者欽此咨請照驗欽依施行

禁勒借錢閉納大德元年九月御史臺體知得平江等路官吏於不欠糧人戶處逼勒揭借閉納米徵糧侵損百姓深為未便擬合適合屬今後民間差稅須合該人戶依期送納果有逃亡事故依例申覆上司除豁呈奉中書省劄付該行禁治今後無得於無欠糧百姓處逼勒揭開

開除田糧須體覆大德二年八月行臺准御史臺咨建德路僧吳指南常住田土擬合於官租項下開除切詳地土公事不係桑田旱澇相應為此呈奉中書省劄付都省議得今後隨處開除田糧戶口差稅事理合與桑田旱澇一體令廉訪司體覆是實以憑定奪

科添二分稅糧延祐七年 月 日江西行省准中書省咨

延祐七年四月二十一日也先站木兒怯薛第二日馬家
衾納鉢裏火兒赤房子內有時分速古兒赤定住昔寶買
驢怯烈馬赤站班必闍赤也里牙給事中也減劫歹等有
來帖木兒大師右丞相哈散丞相拜住平章趙平章木八
刺右丞張左丞怯烈郎中等擬定科稅添二分会議奏即
目為養濟多百姓拯治軍人氣力錢糧不敷的上頭別有
甚規劃處聖旨根底奏過俺與樞密院御史臺翰林集賢
院眾人商量了幾件勾當奏有一件腹裏漢兒百姓當差
著軍站喂養馬駝和僱和買一切襍泛差役更納包銀絲
線稅糧差役好生重有亡宋收附四十餘年了也田的納
地稅做買賣的納商稅除這的外別無差發比漢兒百姓
輕有更田多富戶每一年有收三二十萬石租子的占著

三二千戶佃戶不納係官差發他每佃戶身上要的租子重納的官糧輕這裏取些小呵中也者待驗田畝上添科呵田地有高低納糧底則例有三二十等不均匀一般除福建兩廣外其餘兩浙江東江西湖南湖北兩淮荆湖這幾處驗著納糧民田見科糧數一斗上添答二升這般商量來奏呵奉聖旨依著恁眾人商量來的行者又奏這勾當行的其間行省省官提調著休教動搖御史臺監察御史肅政廉訪司添力成就者若路府州縣官吏人等作弊放富差貧取要錢物交百姓生受的有呵要了罪過了它每勾當教監察廉訪司官體察呵怎生奏呵奉聖旨那般者欽此都省除已劄付御史欽依施行外咨請欽依施行仍委本省首領官提調科徵依期送納過果有不通舟楫去處照依本處開倉時估折收價鈔將原科添答糧數開

咨先具委定提調官職名同管不違悞依准咨來毋得因
而動搖違錯

投下稅

投下稅糧許折鈔至元二十年八月行省准中書省咨六月
初七日奏過事內一件奏去年江南的戶計哥哥兄弟公
主駙馬每根底各各分撥與來的城子裏附糧課程外其
餘差發不著有既各投下分撥與了民戶多少呵合探馬
兒不與呵不宜的一般俺斟酌了奏呵怎生那般者聖旨
有來如今俺商量來如今不著差發其間却科取呵合探
馬兒不宜每一萬戶一年這裏咱每與一百定鈔替頭裏
却江南於係官合納的糧內斟酌要鈔呵怎生聖旨那般
者即與了民戶呵却不與呵合探馬兒呵濟甚事雖那般
呵他每根底分明說將去者這裏必闍赤每根前說與也
教理會者爲江南民戶未定上不揀甚麼差發未曾科取

如今係官錢內一萬戶呵合探馬兒且與一百定鈔者已後定體了呵那時分恁要者各投下說將去欽此都省除已依驗各投下撥定戶計合該鈔數行下萬億庫先行放支外咨請行下合屬依上於原撥定各投下人戶今歲合納係官稅糧內驗所撥戶數合該寶鈔照依彼中米價扣算石斗折收寶鈔申解本省發來餘上糧數依理徵收施行

軍兵稅

弓手戶免差稅中統五年八月欽奉聖旨內一欵節該隨處州府驛路該置巡馬及馬步弓手於本路不_以是何投下當差戶計及軍站人匠打捕鷹房幹脫窩冶諸色人戶計內每一百戶內取中戶一名充役與免本戶合著差發其當差戶推到合該差發數目却於九十九戶內均攤若有失盜勒令當該弓手立定三限盤捉欽此

又大德七年八月二十五日江西行省准中書省咨御史臺呈准行臺咨監察御史呈切謂弓手稅糧例應人戶包納為緣文案不明司縣官吏里正主首人等高下其手各路正是一概帶徵中其奸弊甚多人戶不知各路實免糧數設令多包無憑折記民甚苦之愚見合令各路通照出本

路額設弓手幾名每戶應免糧若干一路通免糧若干本路所管各縣戶計合徵糧若干總包若干卷內開出花戶姓名糧數多少通行均包每正糧若干合包若干驗實均包其戶合包若干明立案驗當該首領官吏子細照勘均平無差行下各縣比給催糧由帖付納糧人戶依數供輸每年明榜市曹咸通知廉訪司照刷文卷時分點一二戶將由帖比對但有爭甚將合路首領官吏嚴與治罪似爲便益呈乞照詳得此咨請照詳准此本臺具呈照詳施行得此都省准呈咨請依上施行

額設戶舖走遞

至元二十二年十二月江省行省來申舖兵走遞文字據今科稅糧乞明降省府議得江南歸附百姓遇有地之家周歲驗地徵收稅糧外無地浮居小戶別無合著差役若將前項已差舖兵止免襍泛全徵稅石似爲

重併生受今擬三石之下丁多戶內差撥全免各戶差役據各戶合該稅糧依弓手例却令眾戶均納須要不失原額每舖照依原行止設六名舖兵五名舖司一名常川在舖走遞若現舖兵內已有相應戶計止令依舊當役毋得一概動搖餘無田產浮居小戶依例差補替換施行

公使人糧眾戶內納至元二十二年十一月江淮行省爲府州司縣合設祇候公使人等移准都省咨文定到體例本省議得擬於苗米一石五斗之下二石之上戶內差設所據各戶合該稅石依例令概官合納苗米眾戶均納須要不失原額仰依上施行

新軍限地難同漢軍大德三年十二月湖廣行省該湖南道宣慰司呈道州衛州路軍人童祥等歸附後置買民田不當差發以致靠損民戶擬合與民一體當差納稅乞明降

事移准中書省咨照得先准江浙行省咨新附軍人田土合與漢軍一體除免限地四頃稅石爲是新附軍人全家老小支請口糧即與漢軍不同別難地已經回咨江浙行省照驗去訖咨請照驗施行

不得打量漢軍地土大德七年正月江浙行省准樞密院咨准御史臺咨准江南行臺咨法有萬世不改者亦有隨時當改者不可一概論也切謂漢軍舊例每戶額定贍軍地四頃餘上畝數皆令納糧雖曾累行文字然於其事實難同行又況今日雜泛大役軍人止是守把南邊賊迤南諸軍分屯沂宿亳鄧等州關迤西諸軍分屯興元成都等處各離本家地程不遠亦皆容易應當即今人戶口累漸多所當軍役屯守去處南至南海北至和林別有征行則南者益南北者益北動又至於數千里外去家有踰萬餘里

者家中又與民戶同當一切雜泛夫役其四頃田地只養自家老小猶不能贍豈能應當如此重役侍衛軍差役尤爲浩大其餘科差且置勿論只計其撥往和林軍人計其起發所費每戶該鈔至有八十定者尋常莊農之家別無生計若不典賣田土何處出辦往日軍戶地有曾至三十二頃今皆消乏破散不可勝數中等人家莊田廢盡現今乞匄爲生者處處有之若更拘勘未曾消乏現勘當役軍戶地畝存四頃之外者必要盡數納糧此事果行不過數年軍戶物業盡皆破散人無雇籍不復可用事至於此其將奈何近日民間多有訐告軍戶隱藏地畝者地主惟是隨其所欲承奉買去又所在官吏不時下鄉言要打量軍戶地畝以此爲名脅斂錢物所取各皆罄足方纔釋免但凡地過四頃之家長懷憂懼心皆不安致此之由有自來

矣今於緊急用兵之際有此事端深爲可慮去年樞密院奏奉聖旨約束管民官司不得打量軍戶地畝文字在官百姓不知狡獪之徒恐脅軍戶與舊無異若令每社置一粉壁其上只寫不得言告軍戶地畝數字如此則當軍之家皆得免其逼脅侵擾之患四頃之外納稅一節待其邊境事甯用兵稍緩然後別議似爲長便咨請回示本臺議得行臺所言庶免軍人被擾之虞咨請照驗事准此照得大德四年十二月初二日本院官奏過事內一件歸德府趙知府文字裏提說將來睢陽縣官吏每使信著歹人每的言語打量軍戶地土行呵踏踐了田禾軍戶每根底使氣力喂搔擾有麼道說將來有上位有聖旨軍的民田地通行取數目的時分打量呵是也者民的地土不得打量富戶每的地土打量有奏呵奉聖旨是有不得咱每的聖

旨軍戶每的地休打量者欽此

僧道稅

僧道避差田糧至元三十年五月欽奉聖旨中書省官人每
奏江浙官人每文字裏說將來有蠻子田地裏每年軍站
的氣力不揀甚麼用的辦濟呵多率是百姓每的納稅糧
裏成就有如今那百姓每係官差發根底躲避著在前合
納錢糧的田土根底和尚先生每底寺院裏布施與了賣
與了典與了更剃了頭髮做和尚也麼道則它房子裏與
媳婦孩兒每與一處住的也有這般使著見識在前合納
的錢糧每年漸漸的數目裏開除了不納的多了也更係
官田土根底占種著粗米不納的也有亡宋時分和尚先
生每的寺院裏常住田土他每根底勾有麼道奏來這言
語是實那是虛是實呵各處行省官人每提調著他的數

目取勘者無媳婦的和尚先生每底屬寺院裏常住田土有呵依著聖旨體例裏休納者有媳婦的和尚先生每在呵自今之後和尚先生也里可溫答失蠻不揀誰在前合納錢糧的田土買了來與了來做布施得了的來麼道不納錢糧的更租佃係官田土不納稅米的人每依在前納的體例裏納者事後出首了不納要罪過者聖旨俺底

僧道租稅體例元貞元年閏四月 日欽奉聖旨諭中書省樞密院御史臺宣政院行中書省行御史臺司農司宣慰司管民官應管公事大小官吏諸色人等據中書省宣政院奏和尚也里可溫先生答失蠻等地糧商稅所辦錢物若不再行明諭恐在下官府合徵納者妄作免除不應徵納者却行追取致使僧道人等生受乞降聖旨事准奏所有條畫開列於後

一西番漢兒畏兀兒雲南田地裏和尚也里可溫先生答失蠻擬自元貞元年正月已前應有已未納稅地土盡行除免稅石今後續置或影占地土依例隨地徵稅

一江南和尚也里可溫先生答失蠻田土除亡宋時舊有常住并節次續奉先皇帝聖旨撥賜常住地土不納租稅外歸附之後諸人捨捨施或典賣一切影占地畝依舊例徵納稅糧隱匿者嚴行治罪

一和尚也里可溫先生答失蠻買賣不須納稅却不得將合納稅之人等物貨妄作己物來帶影蔽違者取問是實犯人斷罪物貨沒官其店肆塌房客旅停塌物貨依例銷報納稅

一上都大都揚州在先欽奉聖旨撥賜與大乾元寺大

興教寺大護國仁王寺酒店湖泊出辦錢物令有司
通行管辦赴官送納寺家合得錢物官爲支付無得
以前另設人員侵損官課

先生免遠倉糧元貞二年二月十八日欽奉聖旨節該張天
師教集賢院官奏江南田地裏有的俺們宮觀裏住的先
生每亡宋以後置買來的田地裏合納的倉糧在先納呵只
他每住的城子裏的倉糧納有來如今各自城子裏不交
納別箇遠城子裏倉裏交納有那般交納呵先生每喂生
受有麼道奏來如今以後先生每的合納的倉糧依著在
先體例裏只他每住的城子裏倉裏交納者道來這般宣
諭了呵先生每住的城子裏倉裏不交納遠處城子裏有
的倉裏交納的人每不怕那甚麼這先生每却道這般宣
諭了也有體例合納的糧不依實納呵他每不怕那甚麼

欽此

和尚休納稅糧大德七年正月十七日欽奉聖旨在先諸路裏有的眾和尚每之上都交管領者麼道薛禪皇帝巴吉思八師父根底與了帝師名分聖旨玉印委付了來如今巴吉思八師父替頭裏管著眾和尚者麼道輦真監藏根底與了帝師名分聖旨玉印也恁眾和尚每休別了輦真監藏帝思的言語經文并教門的勾當裏謹慎行者這般宣諭了不謹慎行的和尚並呪師般不思恁每不怕那羞那甚麼與那上頭交恁差撥發稅糧休著者麼道交行了聖旨來欽此

戶部卷之十一

典章二十五

差發

包銀從實科放中統元年五月中書省奏准宣撫司條款內
一件處本路年例合該納官存留包銀並絲料糧稅等差
發近年以來各處官吏往往上下計購通行賄賂循習舊
弊虛行除破官物私己用度以致民間俱各徵足官司不
得實用爲害非輕今歲差發等事仰照勘元抄到民戶數
目從實科放不可止循上年虛例據照勘出來底民戶數
目差發總額比附上年增餘數目從實定額

驗土產均差法中統元年五月中書省奏准宣撫司條款內
一件今年照勘定合科差發總額府科與州驗民戶多寡

土產難易以十分爲率作大門攤均科訖仍出榜文開坐各州合著差發數目該系絹若干分明曉示務要通知州科與縣縣科與村各出榜文開坐差發數目以此爲例至於縣榜須要見村莊各戶花名合該一年差發數目仍於本縣市曹村莊輳集處各各曉示以見至公無私外據已吩咐漏籍老幼等戶照依今降詔書內條款協濟本處見當差發戶計數補均科與當差發民戶依上尺作一榜通行曉示施行

差發從實科徵中統二年四月二十日中書省奏准條畫內一欵該中統元年科訖差發多有不盡戶計所據今歲科差須管仔細照勘各要盡實科徵不致隱漏兼各路投下戶計差發欵奉見降聖旨亦從各路總管府驗數科徵仰各路管民官照勘本管地面內住坐人戶及不以是何人

等應合收係當差者須管從實盡數科徵見了數目開坐關部轉行申省聞奏若是中間却有漏落不盡實去處事發到官定將當該官吏嚴行斷罪外宣撫司有失體究者亦行治罪

投下戶絲銀驗貧富科至元二年二月欽奉聖旨立總管府新定條畫內一欵節該隨處州城所有諸王並諸投下人戶除匠人捕戶鷹房子金銀鐵冶戶另行外有分撥民戶五戶絲投下交忝戶每年合納絲線包銀並五戶絲仰與本路民戶一體驗貧富科徵於本處送納據本投下合得左右戶絲數等物照依中書省定到日月省關要者若欲於順便處取要呵亦就順便處應付與者

驗貧富科赴庫送納至元十九年五月御史臺咨奉中書省劄付據戶部呈依奉省部勾集各路正官首領官人吏驗

至元十八年元管交參協濟科差戶額收除到至元十九年實科戶數照得欽奉聖旨條畫節文諸應當差發多係貧民其官豪富強往往僥倖苟避已前合罕皇帝聖旨諸差發驗民戶貧富科取今依驗人戶事業多寡品高下類攢鼠尾文簿科斂欽此除已開坐事理割付戶部通行各路欽依聖旨事意據元管交參協濟等戶合著差發通濟驗人戶氣力產業品答高下貧富科攤務要均平出給花名由帖並不得多餘答帶各於村莊置立粉壁開寫各戶所有差發數目及於臨民府州司縣各衙門首將概管科坑科定花名差發數目分頭榜示如中間官吏坊里正人等因而作弊輕重不均者有人陳告或因事發露到官究問得實嚴行懲誡將本路州縣村坊鼠尾花名合著數目依上年體例攢造備細文冊申部及將所納差發仰本路照

依上年於酌中牢固處置庫收受合設庫官大者三員小者二員攢典庫子大處三名小處一名自開庫日爲始給俸除都省差設監納大使各一員外其餘人員仰各路依上於近上有抵業不作過犯戶計內保差官司不得設立寫抄人等或從納戶或諸人抄寫其所納差發並要兩平依理收受畫時印押給付官人民戶朱鈔各一紙亦不得答帶加耗取要分例刁蹬停滯仰更爲行下各道按察使體察施行

差發照籍仍詢眾元貞元年六月江西行省據左右司呈軍民未便事內一件隨處官司凡遇定差弓手水站祇候曳刺等項科役中間多有偏負不均蓋爲元籍文冊田畝丁產係是二十六年抄數到已是六年人戶興進消乏不等若止照依元籍定差實是不均今後凡有定差科役莫若

檢校元籍詢問各鄉都職事耆老人等推排各戶即今見
有田產從公定差似望各等均平省府准呈依仰上施行
站戶餘糧當差

見站出門站戶類

影避

禁起移趨差發中統四年燕京路總管府奏准條畫內一款
本路多有起移交參趨閃差發人戶乞禁約今後經由官
司方許起移事准奏今後若有起移戶計無上司堪用信
憑許起移交面不得發遣如須有合起戶起仰各處差來
官賞把文字經由所在官司然後發遣仍行移本路官司
推收合著差發如不經由所在官司私下縱令起移者驗
各戶合著差發勒令本處主首鄰佑人等賠納仍約量斷
罪施行

投下影占戶計當差元貞元年十一月欽奉聖旨節該據中
書省奏江浙行省陳說有力富强之家往往投充諸王位
下及運糧水手香莎糯米財賦醫人僧道火佃船商等諸

項戶計影占不當雜泛差役止令貧難下戶承充里正
首錢糧不辨偏負生受各處行省俱有似此戶計乞一體
頒降聖旨事准奏仰照勘不以是何投下諸名色影蔽有
田納稅富豪戶計從本省分揀與其餘富戶一例輪當里
正首催錢糧應當雜泛差役於內若有疑惑不能予決
者具由咨中書省定奪却不得因而動搖欽此

休遮護當差事中書省咨大德三年六月初九日完澤丞相
等奏過前福建等處行省平章政事闊里吉思陳言一件
那裏官人每富戶有勢的人每將百姓每田地占省交百
姓每做佃戶不交當雜泛差役有合禁治麼道說有俺商
量來交百姓每做佃戶種養也者根腳裏的不揀甚麼差
發有呵依體例當者休遮護者麼道在前也禁約著有來
如今做佃戶交種養也者依眾百姓每體例裏不揀甚麼

差發交當者有勢力的人每休遮護者麼道行文字更教
廉訪司官人每也著糾察者麼道奏呵奉聖旨那般者欽
此

趨避差發大德六年四月 日中書省咨大德六年正月二
十日奏過事內一件節該江南富豪勢要官員人等執把
添氣力的聖旨行著趨避差發有那般者聖旨拘收呵怎
生關里教臺官題奏呵這言語眾人與俺商量定奏者麼
道聖旨有來俺眾人商量來權豪勢要官員人等搔擾百
姓無疑惑的便教拘收了聖旨於內有陰陽太醫秀才等
並這裏行著年老放與聖旨來的也有也者總一概拘收
呵不宜似這般一等各人的姓名緣故明白文書裏說將
來者合拘收的不合拘收的那其間分間了奏呵怎生商
量來奏呵奉聖旨您商量的是也那般者欽此

禁站戶管帶趨避差役

見禮部僧道類

禁職田佃戶規避差役至大二年三月江西廉訪司奉行臺
劄付監察御史申徵事呈切惟國家設官分職以任事厚
祿均俸以代耕正欲絕其貪婪養其廉恥澄其源而清其
流吏有養而民有賴立制之良無以易此先欽奉聖旨節
該和買和顧雜泛差役如今依著在先聖旨體例除上都
大都其間自備首思站赤並邊遠出征軍人外諸王公主
駙馬不以是何投下諸色人戶與大數目當差的軍站民
戶一體均當者欽此卑職思惟諸職官三品職佃戶田有
至五七百戶下至九品亦不下三五十戶出給執照不令
應當雜泛差役却令供給一家所用之費謂如倩借人畜
寄養猪羊馬草柴薪不勝煩擾爲緣影占終莫能言又有
無田虛包子粒之家亦有規避門戶投充莊官佃戶大抵

法久成弊應須改更變而通之古今所尚呈乞照詳憲臺
仰禁約施行

減差

被災去處量減科差

四

中統五年五月中書省奏准宣撫司

條款

一被災去處以十分爲率最重者雖多量減不過四分其餘被災去處依度驗視從實遞減三分二分等科降差發視此爲差

一被災去處差務發如無本色許令折納諸物

一不被災去處斟酌民戶難易委實偏重去處十分爲率雖多不過裁減一分

一據已上被災去處不被災去處等第減訖差發分數各各明朗開坐數目籍定鼠尾文簿以爲定額務要差發辨民戶安不可偏廢

投下五戶不科要至元二十九年二月准御史臺咨奉中書省劄付來呈備山東東西道提刑按察司申照刷出臨清縣文卷一宗依准管匠官王德開每年關到五戶絲料俵散當差人戶織造七托裏絹赴本局送納不見上司許令織造明文侵擾不便事得此都省照得中統五年八月內條畫內一欵哈罕皇帝聖旨先帝聖旨據各投下關分撥到民戶除五戶絲外不揀甚麼不交科要欵此戶部議得投下關支五戶絲並從本投下用度別無許令俵散民戶織造絹疋體例擬合照依條畫內事理施行都省准呈除已劄付戶部依上施行

納綿府雜泛大德十一年行臺准御史臺咨准詹事院咨近據管領諸路打捕鷹納綿等戶都總管府呈本管打捕入匠等戶累奉世祖皇帝裕宗皇帝聖旨節該隨路有的民

戶匠人打捕鷹房子除本位下差發外不揀甚麼休奪要者休使氣力欺負者欽此大德二年又有本府達魯花赤不老嘉議奏奉聖旨將和顧和買雜泛夫役除免近年以來有各州官司椿科一切雜泛逼臨多有逃移人戶若准所申啟稟除當本位下正額差稅外將州縣雜泛夫役照依在先體例除免似望不逼人戶逃竄具呈照詳得此大德十一年九月二十八日本院官啟過事內一件皇太后撥與咱每的納綿總管府管著的百姓除本位下合納的差稅外隨處管民官科要和顧和買雜泛夫役好生受後頭失散了去也如今屬皇太后位下徽政院管得軍民諸色人匠等戶除本位下合納的差稅外不揀甚麼差撥和顧和買雜泛夫役休科要搔擾者來往的使臣每休要安下者諸人休爭要者但有的勾當省裏臺裏諸衙門都休

問者交徽政院本位下官人每問者宣諭執把的聖旨與了也啟呵奉令旨依著徽政院體例與翰林文字索要宣諭執把的聖旨者另寫與執把者令旨者敬此

戶部卷之十二

典章二十六

賦役

戶役

編排里正主首例大德七年十一月初二日江西行省該大德七年三月二十六日准中書省咨欽奉聖旨節該今後除邊遠出征軍人並大都上都其間站戶依著在先已了的言語休管者其餘軍站人匠打捕鷹房並投下諸王駙馬不揀是誰的戶計和顧和買雜泛差役有呵都交一體均當者欽此除欽依施行去後准江西福建道奉使宣撫咨吉州廬陵縣太和州等處推唱里正主首不均爲此於

大德七年十月二十五日與江西福建道奉使宣撫一同議得江西路府州縣差設里正主首官吏人等那上攢下買弄以爲奇貨大爲民害擬合徧行各路令親民州縣提調正官首領官吏將本處概管見科稅糧簿籍從實挨照每鄉都諸色戶若干內稅高富實戶若干稅少而有蓄積人戶若干並以一石之上爲則一體當役若有稅存產去而無蓄積者及一石之下人戶俱不在當役之限每一鄉擬設里正一名每都主首以上等都分擬設四名中等都分擬設三名下等都分擬設二名依驗糧數令人戶自行公同推唱供認如是本都糧戶極多願作兩三年者亦聽自便上下輪流周而復始仍每年於一鄉內自上戶輪當一鄉里正各都主首如自願出願役者聽從自便如該當之人願自親身應役者亦聽仍從百姓自行推唱定願詔

役人戶糧數當役月日連名畫字入狀赴本管州縣官司
更爲查照無差保勘是實置立印押簿籍一本都收掌一
本於本州縣收掌又一本申解本路總管府類申行省牒
呈本道廉訪司照驗嚴加體察永爲定例再不動搖更換
官司不許非理干預搔擾若是顧錢不備公事違悞顧人
不應作過擾及一石以下貧民小戶勒令津貼所顧之人
亦不許退閑司吏鄉司祇候外都潑皮元籍之人攬摸承
充其提調官吏不得差人下鄉生事勾擾科取錢物如是
不遵元行害及不認當役人戶或將該當戶計通同捏合
分立詭名俵散稅糧躲避差役又或將人戶自認月日容
情歇空官事臨逼却著以次人戶承當似此看循違枉惹
詞到官定將州縣當該正官領首官取招驗事輕重的決
標注過名以憑黜降經手司吏貼書人等並行斷罷所是

營求苟避之人嚴行追斷如此則富戶不能隱庇僥倖苟免小戶不致動搖稍得休息當役率皆得人官吏亦無賣弄誠爲迺久便益省府遍下合屬依上施行

又皇慶元年四月袁州路奉江西行省劄付近爲各路點差里正主首不均照得節次欽奉聖旨事意劄付合屬令親民州縣官從新斟量所管鄉都地面遠近戶計多寡可設里正主首名數除遠征軍人大都上都其間站戶外其餘不以是何戶計當官從公推排糧多極等上戶殷富者充里正次等戶充主首驗力挨次周而復始親丁當役截自至大三年爲始應充周歲滿替毋得似前放富差貧移那作弊移咨都省照詳去後今准中書省咨該送該禮部呈參詳上項事理合依江西行省所擬相應具照詳都省咨請依上施行

站戶祇待免當役至大四年正月十一日行省元擬水馬站赤餘糧戶內止差一名上下半年交替就准本戶里正主首身役相應都省准擬咨請依上施行

站戶祇待延祐二年八月行省准奉使宣撫咨講議到祇待庫役事理咨請依上施行

一諸人陳言內一件祇待庫役例從拘該州縣於站戶有餘糧內點差本謂優恤無糧站戶豈知消泛者亦有餘糧在戶若再點充庫役家業因而靠損又兼定例內雖曰一季一替動輒半年得脫乞將站戶隨糧數多少紐當役日分以後週而復始

前件議得各處站赤管撥祇應錢本以供支用又於站戶餘糧內點差庫子意優貧乏下戶各處官吏點差間不分貧富不定高低一概動搖設如元撥定鈔不

數理宜行省斟酌就咨中書省添撥比及撥降以來
須於站戶餘糧內差撥庫子合令各路取勘各站正
站戶今次經理定實有餘糧除下戶外下至十石多
者積算通行派定計日應當週歲輪流一次糧多去
處不過二年輪遍庶得公平不致靠損下戶雜泛差
役一體均當里正主首雜泛差役不以是前戶計一

體均當

並見嚴政
均賦役類

科役

和買

出產和買諸物至元二十一年行中書省准中書省咨據合刺奴脫脫等言便益事內一件禹別九州隨山濬川任土作貢古人立法取賦必因其土地所生風氣所宜以爲之也今日和買不隨其所有而強取其所無和買諸物不分皂白一例施行分文價鈔並不支給生民受苦典家賣產鬻子顧妻多方尋買以供官司而出產之處爲見上司和買甚物他處所無此處所有於是高抬價鈔民戶唯知應當官司和買不敢與較惟命是聽如此受苦不可勝言欲望明降旨揮今後應有和買祇於出產去處明立榜文隨

時收取不得於州郡無處生事害人天下幸甚送禮部議
得所言可採移咨行省行下合屬勿令於無處和買當面
給價仍遍行合屬依上施行

至元新格諸年例支持物件用時有緩急備時有難易其當
該官吏凡合置備之數各須以時點校預爲舉呈毋得急
聞公私不便諸和買物須驗出產停蓄去處分俵均買其
官吏不能先以賤直拘收措勒人戶多添價錢轉買送納
違者痛行斷罪計其餘價依數追還諸和買須於收物處
榜示見買物色各該價鈔物既到官鈔即給示仍須正官
監臨置簿凡收物支價開寫某人納到某物多少支訖價
錢若干就令物主於上畫字監臨之官仍以印牌關防以
備檢勘

體察和買諸物

四件

至元二十九年江西行省准中書省咨

來咨於課程地稅內折收木綿白布已後年例必須收納
目今各處申到時價不等若令各官司遞互體覆緣前
項木綿布疋處處折收慮恐各處官吏扶同作弊不肯從
實折估以致虧官損民又兼廉訪司分守各路專一體察
公事和買折收之物若依在先體例本路保結移文廉訪
司體覆相應抄連牒文申省然後准算免致多破官錢事
難追改似望官民兩便咨請照驗事都省議得凡有和買
折收物色本路官司估到實直從合屬宣慰司差官體覆
若有不實所在廉訪司官依例體察咨請依上施行

和買諸物估體完備方許支價大德元年閏十二月中書省
戶部呈准工部備山東宣慰司關益都路沂莒二州並臨
朐縣元貞元年成造皮衣所估皮價與鄰封膠州等處價
多實是虧官又廣平路元貞元年差務發內帶染絹疋所

用物料其倚廩永年縣與在城錄事司不同本路並不窮問虛實各隨高價朦朧放知若便取問緣係大德元年二月二十七日以前事理除將各路見申物價准擬除破外今後各處合報諸物時估司縣正官親行估體實價開申府路請委文資正官首領官司通行比較開具體覆照勘官員姓名依期申部勿蹈前弊徒有事縣凡遇和買諸物即令拘該官司估體完備正官比照時估無差方許支價如後照勘或因事發露却有冒濫者著落估體照勘官吏追賠以革前弊都省准呈咨請照驗施行

和買諸物對物估體支價至大三年五月行臺准御史臺咨奉尚書省劄付戶部呈照勘歲用諸物支持年例預爲措置會計致至大二年週歲已支並約支各各物色比附得數與不數支持議擬到至大三年合置疋帛木綿等物開

具照詳得此照得在前計置諸物例破官錢收買憑准路
府州縣保結到實直價錢一一放支給主其所在官司不
詳上司恤民之意一概椿配諸色人民以高作底以好作
歹刁蹬抑勒鈔兩州縣官司風聞和諸物暗令所占佃戶
或緞疋或絹布督逼各戶織造將百姓所納之物百般疏
駁須要將己物添價就買送納並其餘和買諸物亦皆恃
賴官勢賤買賣損民取利及將價錢中間剋除好鈔移
易昏鈔不得實徵到民至如和買和顧遞運腳價打角物
色折收諸物亦皆作弊所有今歲和買計置物色科派到
行省腹裏下項路分各該數目擬合令路府州縣見在爲
長正官色目漢兒各一員親對物主令牙行人相視堪中
之物照依街市實直兩平收買如本管府州司縣別無屯
塌可買將物估體實值於上中戶計開張門面之家收買

須要隨即交值所用價錢於本處不以是何係官錢內放支須要收買堪中之物打角完備差官管解等事今將各處計置和買諸色開坐前去都省仰體察施行承此數內江西省木綿八萬疋雙線單線四萬疋照依年例科派先儘本省至大三年額定已定稅糧認依例折外收有不敷數目摘委本省官首領官拘該路分廉幹正官不放本職提調就於本省管下不以是係官錢內驗出產之處對物估體支價收買夾密寬闊堪中支持木綿數疋兩頭條印關防打角分作運次差官管押限至大三年九月終赴都納足先具委定正官首領官職名同管不違悞執結文狀並稅糧內折收和買木綿數疋先行咨來毋致擾民除已移咨本省依上施行

夫役

差撥搬運人夫

三款

至元十七年十二月御史臺咨承奉中

書省劄付體知得迤南使臣人等並上任回任官員負帶私己財物經由水路前來大都至揚州所過州縣差撥擡船人夫五十名至六七十名船到去處排門一概差撥搔擾不安若不禁治深爲不便都省除已劄付戶部行移合屬若遇搬運官物船隻水淺去處必用縉船人夫令本處官司驗所賣文憑斟酌應付不得將負帶私己人口財物船隻擅自差撥縉船人夫外仰行下合屬禁治施行

押運官員不得起夫至元二十四年閏二月福建行省准中

書省咨近爲泗汶等河元設站船不敷及經涉呂梁百步洪凡有遞運官物到彼必須差撥人夫車牛搬遞搔擾不

安爲此議擬於各站摘撥量添船隻及於兩洪添置站車三十輛委兵部員外郎馬承務與通政院所委官依上安置去後今據馬承務呈除已遵依摘撥見有船隻已差站官安置外據押運官物人員賫奉江淮各省並有宣司劄付淮安路前路文字坐到人夫數目督勒泇河州縣依數交替今既已設站船各有駕船站夫又行差夫捧拽似爲重複乞移咨江淮各省照會各道宣慰司今後凡出差劄解納進呈一切綴疋諸物和顧船隻長運直至東河交卸依漕運司糧斛例船主既支腳錢自行顧夫捧拽站船驗船大小俱有已設站夫毋得更差捧船人夫仍禁治押運官員使臣毋得擅便督勒泇江淮河路府州縣行移前路文字准備差撥人夫更乞劄付兵部行移各道宣慰司照會泇河路分州縣毋得聽從押物使人去輒便行移前路差撥

人夫似爲不致煩擾百姓都省移咨合屬依上禁約施行
主簿論差搬運人夫至元二十九年四月行臺劄付監察御
史玉龍澤呈江南百姓見令各處官府差撥夫役有妨農
業廢弃生理饑餓病困死於道途實可憫念且如夔州路
西南與衢處接境東北西南明越相通皆是山陸不通船
車每遇搬運官物遍送差發百姓負擔荷輪尚是公行至
有路縣官吏搬遞已物送親舊建造私宅應付知識司縣
人吏义行箠楚係頸纍纍相望於道但遇差夫不問數目
多少便行一例差撥其被差人數或出錢三百五百以至
一貫之上與坊正里正人等寬免每日又於市井輳集去
處拖扯買賣及入市農人拘留一處逐旋差撥雖無差撥
亦三四日不令還家索要鈔物才方免以此人民失業田
地荒合令各道肅政廉訪司嚴加禁治先將見令合差民

戶置定鼠尾籍冊官爲封記遇有遞送官物驗籍輪流差撥依時銷鑄仍不得多搭數目其他不問是何官員不得輒差民夫如有違戾通議責罰似望百姓息肩稍得安集呈乞照詳事得此憲臺仰行移監臨分司督令合屬置立鼠尾文簿如遇必用人夫周流挨次差撥毋致偏負擾害百姓仍仰嚴加體察施行

戶十二十

腳價

水路合顧腳價元章政事制國用使司照得隨路罷訖步站止見官爲和顧脚力除旱路已有定體外據水路自來不一除合破數目外再令都水監提舉漕運司驗河水通快淺澁去處照依目今運糧例體從實定例每物一百觔自起程至下卸處所合該地里所該脚價仰今後凡有起運官物須管照依坐去分例和顧船隻搬運前來仍仰隨路於月申內驗次日類報再不得似前亂破官錢違錯

方里馬頭運至 楊村下卸水路一千四百四十五里

每物一百觔該脚價鈔一錢一分六釐 河西務下

卸水路一千六百十五里每物一百觔該脚價鈔一

錢五分一釐 李二寺下卸水路一千七百四十五

里每物一百觔該脚價鈔一錢七分七釐 通州下卸水路一千七百里每物一百觔該脚價鈔一錢八分三釐

舊縣馬頭運至 楊村下卸水路一千三百四十五里每物一百觔該脚價鈔一錢 河西務下卸水路一千五百一十五里每物一百觔該脚價鈔一錢四分 李二寺下卸水路一千六百七十五里每物一百觔該脚價鈔一錢六分六釐 通州下卸水路一千六百七十五里每物一百觔該脚價鈔一錢七分二釐

秦家渡運至 楊村下卸水路一千三百里每物一百觔該脚價鈔一錢零四釐 河西務下卸水路一千五百里每物一百觔該脚價一錢三分八釐 李二

寺下卸水路一千六百七十三里每物一百觔該腳價鈔一錢六分四釐 通州下卸水路一千六百六十里每物一百觔該腳價鈔一錢七分

添答腳力價錢至元十五年中書兵部符文奉中書省判送戶部呈奉省判兵部呈洛滋路修永年縣申和顧腳力遞運諸物每千觔百里腳價鈔一兩三錢今有車戶告即目物料湧貴乞依真定例添答事本部議得比年隨路田禾不收草料湧貴若止依舊例和顧百姓委是生受參詳擬合照依真定例平地千觔百里一兩三錢加五添答一兩九錢五分山路亦依上分數添支奉都堂鈞旨送戶部照得參詳見搬物若依兵部已擬依真定例加五添答如草料減價依舊例呈奉都堂鈞旨依上施行

遞運官物開寫觔重至元二十二年十月行省准中書省咨

據兵部呈准南京等路宣慰司關據河南等路申年終考較出事內一項承奉上司文字凡有載運官物車輛多該寫鋪車站車照得除迤北有站車路分易爲應付迤南元站車路分必須和願差發其押運官物皆自行執把前路文字多無坐到勛重亦無和願差發語句一到下處便要依伊所說勛重應副脚力或令就支與見載車輛脚價少不如意當該人員即被毆打又不知押運者果何官員不敢盤詰中間或有多支官錢亦不知會又照得迤北站車俱係輕便漢軍最負輕者止能運載一千勛迤南行走大輛每輛可載數千餘勛其押運官到迤南和願車輛路分亦要依站車數目應付實是生受府司今後凡有遞運官物車輛比至車行先行前路文字明坐勛重毋令押運官自行執把文字上寫除北有站車去處應付站車迤南元

站車路分或令差撥明白開寫使前路先知預備免致押
運官毆打恥辱官府冒說勛重多支官錢所載物件亦合
令各處照依坐去勛重應付車輛當司參詳若依河南府
路申似爲明白各處官司亦易應付本部參詳如准本司
所擬似爲便益都省准呈仰依上施行

顧船脚力鈔數至元二十三年湖南道宣慰司奉行中書省
劄付爲遞運軍人出征什物等每千勛百里支脚價鈔三
錢七分文奉省劄發下文榜一道爲和顧船隻脚價每千
勛百里上水一兩下水減半等事承此據各處申船戶委
是不敷盤纏多有棄船在逃有悞軍情大事若依接運思
明州糧斛定到脚價千勛百里放支鈔四兩一錢一分驗
程支給似爲船戶樂便得此具呈行省劄付來呈見運軍
器脚價比照運糧價例擬除耗米價鈔外每百勛千里支

鈔二兩一錢外據照依市價餘一兩五釐等候按察司體覆相應至日定奪施行

至元新格

五款

諸和願脚力皆儘行車之家少則聽餘其餘

近上有車戶內和願仍須置簿輪轉立法無致司吏里政分司人等那攢作弊

運糧腳價錢數

至元三十一年正月湖廣行省爲起運真州

糧一十五萬石事移准江西行省咨先爲年例攢運真州米糧舊例每石下水百里支鈔三分船戶揭用不敷本省議得每米一石量添三分通作六分移准中書省咨該更爲定奪體覆相應准擬行准此劄付鄂州路等處體覆相應依上添支去訖又照得至元二十九年准東米糧五萬石三十年起運真州糧二十萬石亦依前項脚力體例放支了當今據見呈除已移咨中書省照驗定奪外照驗實

運糧數扣算合支脚錢先交一半付船戶關領施行

添支水旱脚價

大德五年十二月江浙行省准中書省咨兵

部呈奉省判本部呈伯顏簽省言擾民不便事內一件東平路起運諸物元定千觔百里中統鈔一十兩草料湧貴官吏脚價不數目今街下顧脚千觔百里該鈔一十七兩若依街下脚價中統鈔一十七兩顧覓不致擾民曹州申今後千觔百里脚價例量添一倍汀州路申如蒙照依街市兩平和顧相應河南行省咨河南府申和顧脚力元定千觔百里山路一十二兩平川一十兩近來諸物湧貴其得脚價不數合無照依目今各路車杖實該價錢預爲支發兩平和顧似不擾民至元二十九年鄆黃運糧下水千觔百里脚價中統鈔六錢別元上水定例議得上水比下水比下水增倍作一兩二錢旱脚價鈔亦合比元定之上量

添加五本部議得山路腳錢一十二兩平川一十兩雖是
在先已定通例却緣比年諸物湧貴遞運額數止循舊例
實是虧民參除大都至上都並五臺腳價外其餘諸路今
後應有遞運諸物水腳價錢比附行省所擬上水添一兩
下水止依舊例六錢旱腳山路作十五兩平川一十二兩
於不以是何錢內隨即放支相應奉都堂鈞旨連送兵部
照勘明白議擬通例連呈奉此照得至元二十五年四月
本部與戶部講究定各路應起運諸物千觔百里平川支
中統鈔一十兩山路一十二兩水路六錢又於大都路倒
除水腳卷內照得千觔百里下水支鈔七錢上水八錢爲
不見幾年分定例行據大都路備通州申官顧水腳於大
德三年爲江西省鈔本和顧到水腳顧例係蒙省委倒除
官定擬到上水八錢下水七錢到今依此例和顧外據私

顧水脚即與官顧例同旱路平川和顧脚價鈔二十兩山路和顧駝運五臺鐵貨擬支鈔三十六兩開申驗照及照元貞二年六月承奉中書省劄付江浙行省備杭州路申約量定擬裏河千里百觔支中統鈔六錢外江上水七錢下水六錢移咨中書省劄付可否相應依上施行又照得大德四年七月二十九日承奉中書省劄付本部呈高唐州申近運官物差撥百里車牛生受呈都省議得起運官物已有定立程限今後各處行省應起諸物趁河水通流分運起離若遇河水結凍地面官司將緊用細物秤盤實觔重官爲兩平和顧快便脚力直至前路總管府交割合該脚價於本路不以是何係官錢內即便應付事除外仰通行合屬依上施行奉此除遵依外今奉前應本部議得遞運脚力若從諸路兩平和顧先行放支脚價慮恐各路

爲無定例冒破官錢將來倒除倘有爭懸各言被處體例如此似難關防以此參詳除大都至上都並五臺腳價外其餘路分比附各處所擬千觔百里中統鈔爲則量添旱脚山路作一十五兩平川一十二兩江南腹裏河道水脚上水八錢下水七錢淮江黃河上水一兩下水七錢驗實有觔重於不以是何官錢內那便放支和買遞運相應具呈照詳得此都省議得除下水脚價擬依舊例六錢外餘准部擬咨請依上施行

和糴

收糴相接之糴中書省至元二十二年二月十九日奏過事
內一欵節該自今歲秋成爲始乘其時直價錢將有糧最
多之家官用錢本兩平收糴謂如收租一萬石之上者三
分中官糴一分三萬石之上者官糴一半五萬石之上者
三分中官糴二分官倉收貯次年比及新陳相接之糧價
貴官爲開倉減價糴賣欽此

物價

月申諸物價直中統五年八月欽奉詔書內一款兩澤分數諸物價以鈔爲則每月一次申部

和買照依市價至元二十年湖廣等處行中書省爲起運諸物脚力價錢比腹裏路分爭懸未有定例移准中書省咨照得至元九年十月初六日欽奉詔書條畫內一款節該和願和買和糴並依市價不以是何戶計照依行例應當官司隨即支價毋得逗遛刁蹬大小官吏權豪勢要之家不許因緣結攬以營私利違者治罪欽此咨請欽依施行**至元新格**諸街市貨物皆令行人每月一平其直其比前申有甚增減者各須稱說增減緣由自司縣申府州由本路申戶部並要體度是實保結申報凡年例必於本處和買

之物如遇物多價少可以趁賤收買者即具其直另狀飛
申

戶部卷之十三

典章二十七

錢債

幹脫錢

行運幹脫錢事至元二十年二月十八日呈中書省咨撒里蠻愛薛兩省裏傳奉聖旨幹脫每底勾當爲您的言語是上麼道交罷了行來如今尋思呵這幹脫每的言語似是一般有在先成吉思皇帝時分至今行有來如今若他每底聖旨拘收了呵却與省未曾拘收底休要者若有防送交百姓生受行底明白說者欽此

爲追幹脫錢事至元二十九年十月御史臺咨承奉中書省

劄付泉府司呈七月二十四日本司少鄉趙奉直賞擊御寶聖旨前來赴中書省開讀節該如今過得的每明有顯跡幹脫每若有呵與者別箇失散了的無保人的每休要者做頭口與來的幹脫每真箇被不拜户要了呵委實窮暴無氣力呵休賠者要了錢的幹脫每委實窮暴生受呵休要者富的本錢休要交納利者窮的若有呵他的本錢交納者又秃兒減磨絲裏兒青鼠等候著幹脫每的體例裏但得的利息納者道來欽此

幹脫錢為民者倚閣大德二年八月二十日江西行省近有有蒙古文字譯呵吉只大王令子蠻子田地裏屬俺的幹脫錢本錢利錢不納有這瞻速丁馬合謀為頭使臣女孩兒小厮用著的物俺根底出來的時分駝馱斟酌著舖馬他每根底與著交出的您省官每識者麼道您根底委付

將去也敬此照得先欽奉聖旨節該諸王駙馬並投下告
隨路官員人等欠少錢債照得先帝聖旨如有爲民借子
雖寫作梯己文契仰照勘端的爲差發交使有備細文憑
亦在倚閣之數仰諸王投下取索錢債人員須管於宣撫
司與欠債人當面照得委是己身錢債另無異詞依一本
一利歸還毋得經直於州縣將欠債官民人一面強行拖
拽人口頭匹准折財產搔擾不安如違定行治罪又先欽
奉聖旨節該江南平定之後悉爲吾民今十有八年尚聞
營利之徒以人爲貨今後南北往來返人客旅並行禁止
欽此已經劄付合屬去處欽奉聖旨事意毋得縱令收買
良民違錯欠少幹脫錢債人等依例施行外據轉送孩兒
媳婦一節即係以人爲貨事理移准都省咨該請欽依聖
旨事意施行

幹脫每休約當大德五年六月欽奉聖旨泉府司官人每奏幹脫每裏多有勾當裏行的營運與錢的人每行運聖旨交各處買賣裏去呵各路官人每聖旨裏他每的名字不是麼道約當根生受有麼道奏來如今那般賞擊聖旨行的幹脫每的官人每處顯驗的文書將著行呵將他每的人等根底休約當者麼道來既是這般宣諭了呵約當的路官不怕那幹脫每根底也首會者不干自己人每根底休夾帶者夾帶的幹脫每有罪過者聖旨俺的

追幹脫錢擾民大德六年十月江浙行省准中書省咨二道有扎忽兒真妃子念木烈大王位下差來使臣晏只哥歹等欽賚聖旨追徵幹脫錢物本省照得晏只哥歹等追徵本位下錢物不曾經由中書省亦無坐到元借幹脫錢人戶花名錢數止坐烈元借幹脫錢人不魯罕丁法合魯丁孟

林三名信從各人轉指諸人借欠錢數展轉攀指一百四十餘戶追徵因而擾民不便除已行下杭州路行移使臣晏只哥歹等著落元借幹脫錢人不魯罕丁追徵外若不移咨本官係位下差來人員誠恐迴還異詞妄說今後凡有投下追徵幹脫官錢開坐欠少戶計村莊姓名數目具呈都省轉咨行省行下拘該官同徵理官民兩便請希咨回示都省合行移咨請照依照驗元坐取幹脫錢各人姓名依理追徵毋致信從勾擾違錯

私債

錢債止還一本一利中統二年八月欽奉皇帝聖旨道與中書省近據諸王駙馬投下奏告隨路官員少欠錢債乞降聖旨取索事爲此有已降詔書難准所奏爲此省諭各路宣撫司如諸王並投下差人及債主取索錢債之時仰備細照勘若管民官委係爲民戶欠少債負照依已降聖旨並依倚閣之數已後別行定奪仰債主並不得取索外據民間私借錢債驗元借底契止還一本一利其間雖有續倒文契當官毀抹並不准使若先有已定還數目前後通同照算止還一本一利又照得先帝聖旨如有爲民借了雖寫作梯己文契仰照勘端的爲差發支使有備細文憑亦在倚閣之數仰諸王投下取索錢債人員須管於宣撫

司與欠債人當面對證照得委是己身私借錢債別無異詞依一本一利歸還毋得徑直於州縣將欠債官民人等一面強行拖拽人口頭疋准折財產搔擾不安如違定是治罪施行欽此

卑幼不得私借債中統四年六月十三日欽奉皇帝聖旨據燕京路總管府同知郭汝梅奏告本路官員百姓富家子弟不問尊長暗與財主作弊取得債負及冒賣田宅虛錢實契一同非理使用意尊長亡歿歸還以致臨時破壞家業乞行禁約事准奏仰尊長在日卑幼不得私借錢債及典賣田宅人口財主亦得與富家通同借與錢債如違其借錢人並借與人牙保人一例斷罪及將元借錢物追没入官仍仰中書通行隨路禁斷施行欽此

禁借卑幼錢命死後取延祐四年正月行臺劄付准御史臺

咨延祐三年十月二十八日本臺官奏過事內一件在前
民間父母在時分他的孩兒每休交背地裏私借錢債恐
怕壞了家私麼道世祖皇帝聖旨好生禁治來如今大都
南北兩城並外路有一等潑皮歹人每般弄著人家卑幼
子弟私借錢債借一定鈔文書裏寫做十定借一百定寫
做一千定眾人破使等他爺死了之後圖謀產業歸還麼
道爲這般上頭將家緣破廢了有更將父母墳塋內樹木
斫伐又將磚石地土等物貨敗壞風俗俺如今與省家文
書交多出文榜嚴行禁治依在前體例將那借了的錢賣
了物的錢都交沒官將正犯上並般弄著取錢的借與錢
的人和保見寫文書的人及賣物的人每根底都重要罪
過教監察每廉訪司常加體察呵怎生奏呵那般者眼道
的是有好生禁治者麼道聖旨了也欽此咨請欽依施行

放債取利三分至元十九年四月二十七日中書省聞奏隨路權豪勢要之家出放錢債逐急用度添利息每兩至於五分或一倍之上若無錢歸還呵除已納利息外再行倒換文契累算利錢准折人口頭匹事產實是於民不便俺與眾老的每商量來今後若取借錢債每兩出利不過三分這般奏呵奉聖旨那般者欽此諸人舉放錢債每貫月利三分止還一本一利已有禁條其倒換文契多取利息者嚴行治罪監察御史廉訪司常切體察至大改元詔部下不得借債元貞元年山南河東道肅政廉訪司爲常德路武陵縣石應庚等告李縣丞借中統鈔一十定不肯歸還取訖招詞不見定例難議區處申奉行臺劄付移准御史臺咨奉中書省劄付送刑部議得在任官吏除親戚故舊之家外今後凡取借部下諸人錢債合行明立保見出息

文約若不依數歸還理宜究治難議計贓科斷黜降參詳擬合從一多者爲重准不枉法例減二等斷罪相應都省准呈仰依上施行

又至大二年七月行臺准御史臺咨承奉中書省劄付來呈淮西廉訪司申准副使馬忠議牒親民之官取借部民錢本理宜禁絕若有違犯驗所得息錢計贓坐罪比依取受不枉法定論卑司看詳副使所言係爲例事理申乞照驗得此看詳如今合干部分議擬相應具呈照詳送刑部議得凡借部下諸人錢債合依已擬遵依都省元行明呈保見出息文憑依理歸還如有指借爲名不立保見又不依數歸還從一多者爲重依不枉法例減二等斷罪其勢強借就托上戶領錢營運以求利者准上科罪相應具呈照詳都省議得除親戚故舊之家餘准部擬仰依上施行

多要利錢本利沒官大德二年八月中書省據樞密院呈准上都樞密院咨大德二年三月二十日奉軍官每他每取利息上頭故意的軍人每盤纏交遲著軍每用著盤纏呵他每根底揭借有每月一兩鈔一錢二錢利錢要有後的盤纏到來呵那債負裏還了有時呵那般放利錢底依在先大體例裏一兩鈔一月三分家利錢已上休要者今後多要呵本利沒官他每根底依體例要罪過呵怎生麼道擬定來奏呵那般者您依體例行文字者聖旨了也欽此

軍官不得放債大德三年正月欽奉聖旨節該借錢取息已有定例今後軍前放債虛錢實契不許歸還多餘取利者追徵沒官約量治罪

管軍官吏放債照依通例取息歲月雖多不過一本一利如有取利無度番息作本以致軍戶損乏者追息

回主仍與治罪民官私債准此

大德十年五月十八

日命相詔

應管軍官舉放本管軍人錢物詔書到日盡行倚免典

賣親屬悉聽完聚價不追還

至大改元詔

放粟依鄉原例至元二十九年十月御史臺咨大城縣人戶

趙琮等告本縣李主簿舉放科粟公事除另行外議得比
年以來水旱相仍闕食之家於豪富舉借餼糧不以利重
唯得是圖且救目前之急自春至秋每石利息重至一石
輕至五斗有當年不能歸還將息通行作本續倒文契次
年元還亦如之有一石還至數倍不能已者致使貧民准
折田宅典顧兒女備償不足良爲可惜理宜禁斷呈奉中
書省劄付送禮部議得舉借斛粟合依鄉原例聽從民便
舉借年月雖多不過一本一利如有續倒文契欽依已降

條畫追斷都省准擬仰照驗施行

解典

解典金銀諸物並二周年下架大德八年七月江浙行省准中書省咨備江西省咨龍興路備錄事司申熊瑞狀告大德六年八月初三日將珍珠一千二百顆有零及玳瑁統子六箇於誠德庫內解訖中統鈔一百二十五兩至大德七年八月十六日九月二十七日兩次將本息鈔兩前去本庫不肯放贖勾問得誠德庫子張義供指已過週年下架了當得此照得元貞二年二月內准中書省咨該議得今後語人解典二週年不贖許令下架今問得在城豐義庫子張貴狀供本庫除金銀珍珠二週歲下架其餘疋帛衣服諸物一十八箇下架取訖如此結罪文狀緣珍珠與金銀均是寶具難與疋帛衣物相比合無照依豐義庫金銀

珍珠二週歲下架之例令照熊瑞叩算本息鈔兩取贖實
爲民便本省看詳若准本路所擬放贖相應咨請定奪回
示准此送禮部照擬回呈本部議得解典諸物望圖利息
因爲定例不一以致爭訟繁多照得即日在京典庫有每
兩二分者五十箇月方纔本息相對令應典諸物週年下
架即係一十二箇月日便有過倍之利如此取息委是虧
民據應典諸物擬合照依金銀一體二年下架實爲民便
如蒙准擬遍行各處遵依永爲定例相應具呈都准擬咨
請照驗依上施行

禮部卷之一

典章二十八

禮制一

朝賀

慶賀聖節拈香前期一月內外文武百官躬詣寺觀啟建祝延聖壽萬安道場至期滿散其日賀明朝臣詣闕稱賀外路官員則率僚儒生阜老僧道軍公人等結彩香案呈舞百戲央道祇迎就寺觀望闕至香案下設官屬褥位班立先再拜班首前跪上香舞蹈叩頭三呼萬歲公使人等高聲呼就拜興再拜禮畢捲班就公所設宴而退

禮儀社直

大德七年八月二十日江西行省准中書省咨先

據御史臺呈河東廉訪司申照得至元十年七月內西京路承奉中書省兵部符文奉中書省劄付准也先乃蒙古文字譯該聖節曰隨路裏官人每自己俸錢內殺羊做筵席有喫素飯筵席呵宜得一殺麼道人刺入合失教奏呵那般者教省官人行文書者麼道聖旨與西京太原平陽等路宣慰使鐸刺沙我以前每年聖節教罷了休做如今你每奏說隨路分州城裏官人每每年做聖節多費錢物百姓生受更兼本命日又科斂錢物百姓生受有如你奏說是實呵從命以後聖節本命日都住罷了休做者欽此切見外路府州司縣遇聖節正旦拜賀行禮每每不同大槪勾集諸色社直行戶粧扮預先月余整點逮及拜賀行禮必就寺觀中將僧道祝壽萬歲牌迎引至于公所置位或將萬歲牌出其坊郭郊野之際以就迎接又必揀選便

於百姓觀看處所安置然後官吏率領僧道擡擗擅面鏡
鉞鼓板幢幡寶蓋蓋以旋墜差遺諸色行戶粧扮社直娼
妓之類必街巷陌擺拽名爲起敬實爲混雜褻瀆甚非警
蹕之意又各處筵席葷素不一所需物色官吏難名俸錢
內自備所費既多而因巧取於民侵擾百姓習以爲例擬
合從宜講究拜賀儀禮注爲定制頒行天下使臣子遵守
庶免差忒不一具呈照詳得此送據禮部呈約會到集賢
翰林國史院并侍儀司官一同議擬得凡遇聖節元日禮
當誠敬祝賀而已今廉訪司言及率歛民錢搔擾百姓又
聚衆迎接萬歲牌等事豈臣下致敬之禮今比附到至元
八年已定儀式合行合禁事理逐一議擬于后具呈照詳
得此都省照得外路諸衙門欽遇聖節元日臣子之禮但
當以敬爲主照依至元八年奉准儀式行禮合用樂人止

就本處在城者無得於他處勾集及椿配諸行戶百姓人等粧扮社直所據筵會一切所需之物官吏自備並不得取斂於民除外咨請通行合屬依上施行

軍官慶賀事理元貞二年十月湖廣行省准樞密院咨准中書省照會御史臺呈河北河南廉訪司備據蒙古萬戶府伏申緣近年以來管軍萬戶千戶衙門徃徃各有置立廡宇欽遇天壽節日不以地程遠近或三五百里勾赴萬戶府拜賀千戶百戶將領公吏人等前去人衆搔擾百姓今無令軍官有廡宇者倣依路府州城例止於廡宇拜賀元廡舍者就於本處寺觀祝延聖壽似爲便宜緣軍官未有道例具呈照詳得此送禮部照擬得臣子誠敬遠近一如准與民官一體行禮相應都省准擬照會施行

守土官行禮班首大德元年 月松江府奉江浙行省劄付

來申本府達魯花赤萬戶松江府達魯花赤凡遇開讀聖旨詔赦壽聖節并賀正之時祭祀行禮班首移准中書省咨送禮部議得松江萬戶府雖係三品鎮守征行屯戍去處元當終非守土之職凡遇進賀行禮若令守土官爲班首於禮相應都省咨請依上施行准此爲是江南鎮守萬戶府係奏准屯守去處如鉛山吳江江陰州等處俱係懸帶三顆明珠虎符正三品常州鎮守難同時暫征行戍却令從五品州官班首於禮未順移咨中書省定奪去後今准回咨送禮部議得松江萬戶府雖係三品終非守土之職難以品級定論班依如依本部已擬似爲長便咨請依上施行

進表一

表章定制體例至元三年四月中書禮部承奉中書省判送侍儀司呈該南京路睢州等處進到表章脫漏印信事省部行移侍儀司照依舊例定到表章體式呈奉都堂鈞旨送本部依上遍行各路一體施行奉此今將定制體式開坐前去仰照驗今後遇有進呈表章依式施行

諸上表並爲楷書每幅六行或七行後一幅或三行或五行每行不限字數第一幅前用帖黃押下邊用信其在下上進謹封字上用印上表者表以紅羅夾複牋以梅紅羅單複封裏外路仍盛以鎖鑰全表匣飾以螭表章迴避字樣

極盡歸化忘

亡妾播晏征

祚壽哀愛

奄昧駕遐仙斯

司四

病苦沒泯滅

凶禍傾頽毀

偃仆

壞破晦刑傷

孤墜墮服布

孝短天折災

同要

困危亂暴虐

昏迷遇耄過

改替敗廢寢

殺絕忌憂切

激切辱營
係舊式

患衰囚往棄

喪戾空陷厄

艱忽除掃擯

同奸

缺落典憲法

典字近
用不駁

奔崩推殄隕

墓稿出祭奠

饗享
同

鬼狂藏怪漸

愁夢幻弊疾

遷塵亢蒙隔

離去辭追考

板蕩荒右迤

師剝革睽違

同尸

挽升退換移

非字近
用不駁

暗了休罷覆

弔斷收誅厭

諱恤罪辜愆

土別逝

同誓

衆陵

土字近
用不駁

右一百六十餘字其餘可以類推或止避本字或隨音
旁避及古帝王名號不用數目字亦不許用多并御名
廟諱皆
合迴避

表章迴避字樣

一欵

延祐元年十一月行省准中書省咨陝

西省咨稟科舉事件送禮部約會翰林院官議得擬作稱

賀表章元禁字樣太繁今擬除全用御名廟諱不考外顯然凶惡字樣理宜迴避至於休祥極化等字不須迴避都省請依上施行

又延祐三年八月行臺劄付准御史臺咨奉中書省劄付禮部呈翰林院國史院議得表章格式除御名廟諱必合迴避其餘字樣似難定擬都省仰欽依施行

外路拜表禮數

見後迎拜合行禮數例

表章五品官進賀至元十年二月中書省判送吏禮部元呈據大名路申五品以上長官俱得進表稱賀開州濬州滑州係五品衙門俱隸本路所轄去處今後如遇聖壽元日賞表章赴本路總管府類聚止令總管府差人赴朝廷進賀似爲相應批奉都堂鈞旨送本部准呈施行

表章主官校勘

至元十五年三月禮部照得至元十五年各路費正表章內有文理叢雜

句法失悞及書寫行數不依元降格式復匣鎖鑰打角不完省部議今後凡進賀表章令文資正官一員通儒吏一名校勘無差具解進呈仍於文解上開寫撰文校勘官吏及複匣鎖鑰備細申呈

各衙門進賀表箋皇慶元年正月江西行省准中書省咨兵部呈至大四年五月十二日特奉聖旨隨處進表來的五日以裏都教回去者推病的幹別勾當了舖馬標著他名字勾當裏再休委付者今後進表時不揀那衙門裏差的宣使奏差合來的人每來者官人每首領官每并其餘勾當人等推稱緣故休來者來呵當了舖馬步行回去勾當裏休委付者麼道聖旨了也欽此除欽遵外照得近年以來在外諸司不詳站赤生受指以進表爲由假公營私濫行給驛今畧舉腹裏各處帖冶提舉司益都淘金總管府

河間山東兩處鹽運司及徽政院所轄江淮財賦總管府及海道運糧萬戶府似此衙門理合赴各處總司通類貢納以此參詳今後凡遇進賀表箋除各道廉訪司照依舊例外據腹裏路分差官馳驛赴都其餘設置前項司屬直隸省部或都衙門擬合令所在路分就便附納外處各處行省宣慰司都元帥府宣撫司轉運司各路總管府屬萬戶府及五品以上衙門應有進賀表箋止赴所隸省部總司通行類咨欽依差人馳驛赴中書省樞密院徽政院呈貢不許另行給驛庶革泛濫之弊如蒙准呈照會各處遵守相應具呈照詳都省准擬咨請依上施行

進表騎長行馬至元八年二月尚書兵部奉尚書省判送御史臺呈山東東西道按察司申天壽正旦諸衙門差人進表合無依舊例馳驛事批奉都堂鈞旨送兵部從長講究

擬定連判呈此奉比照依舊例五品以上長官俱得進表稱賀蓋臣子孝敬之心自不能已今後進表不以遠近止合乘騎長行馬疋預期前來許令經行館驛安下擬合官爲應付飲食馬疋草料分例人不過二人馬不過三疋呈奉省劄准擬行下合屬依上施行

表匣不得支破官錢至元九年三月中書戶部據太原京兆等路申賀正表匣用過鈔物請除破事又照得平灤路申萬壽節表匣用過物料等價省部議隨路官員呈進稱賀萬元節并元正旦表章實出於人臣誠敬之人所用鈔物却於官錢內支破以臣子之分似乎未宜合令各路官員自行出備呈奉都堂准呈

上位名字至大元年行臺准御史臺咨承奉中書省劄付樞密院呈至大元年正月十四日本院官奏世祖皇帝登了

寶位在後完者都皇帝登寶位呵多人每犯着上位名字的
的交改了有來如今皇帝登寶位也皇帝在軍上時分爲
軍情勾當的上頭寫着上位的名字樞密院裏與將來的
文字也有爲人的勾當與將來的也有皇帝登了寶位之
後在先潛邸時分聖旨了的勾當來麼道只寫着上位的
字樣的文字也有多人每犯着上位的名字的也有如今
改了年是其間多人每裏頭犯着上位的名字的俺在
先已行了的文字裏差寫了的也有交更改了省諭多人
各衙門裏寫文字呵怎生麼道奏呵奉聖旨各處寫文字
犯着咱每名字的叫更改了者如今皇太子根底啟知有
麼道啟呵奉令旨那般者欽此

做好事與素茶飯皇慶元年二月

日福建宣慰司承奉

江浙行省劄付准中書省咨宣徽院呈十月二十日本院

官特奉聖旨今後但做好事處只與素茶飯體交吃肉者
合喫肉茶飯的好事一脚子兩脚子肉你宣慰徽院斟酌
與者欽此

迎送

迎接行禮數

大司農御史承兼領侍儀司事至元八年十

一月十五日幹耳朶裏奏准每遇聖節元日詔赦并各官受宣敷除沿邊把軍官再行定奪外諸路官員合無令各官照依品從自造公服迎拜行禮奉聖旨除沿邊把軍官外那般行者欽此已經呈覆今據侍儀司申檢照到舊例外路官員如遇聖節元日詔赦并各官受宣赦禮數開申前去外有合行禮數逐旋講究申覆乞照驗事備呈中書省照驗施行

一元日外路拜表拜表日質明望闕置香案并設官屬褥位敘班立定禮生贊拜在位官皆再拜司吏捧表跪授班首班首跪受以授所差人所差人跪受訖班

首起立禮生贊拜在位官皆再拜訖退

一外路迎拜詔赦送詔赦官到隨路先遣人報班首即率僚屬吏從人等備儀從首樂香輿詣郭外迎接見送詔赦官即於道側下馬所差官亦下馬取詔赦置於輿中班首詣香輿前上香訖所差官上馬在輿後班首以下皆上馬後從鳴鈺鼓作樂前導至公所從正門入所差官下馬執事者先於庭中望闕設詔赦案及香案并褥位又設所差官褥位在案之西皆又設床於案之西南所差官取詔赦置於案綵輿香輿皆退所差官稱有制贊班首以下皆再拜班首稍前跪上香訖復位所再拜所差官取詔赦授知事知事跪受上名司吏二員齊捧詔赦同陞宣讀在位皆跪所讀訖詔赦置於案知事等復位班首以下皆再拜

舞蹈叩頭三稱萬歲

官吏叩頭中間公吏等相應高聲三呼萬歲

就拜興

又拜拜訖班首以下與所差官相見於行前禮畢所差官行班首率僚屬公吏皆樂送至城門外而退

一送宣授宣命官如見在隨路府州或別司長官二官

使者先遣人報知受宣官率僚屬吏從等備儀從音

樂綵輿

二官并別司長官二員所在府州取索排辨音樂并綵輿香輿

詣廊外迎接

望見使者即於道側下馬使者亦下馬取宣置綵輿

中受宣官詣香輿前上香訖退遣人覆知使者為未

受宣命未敢參見使者在輿後受宣官次行皆上馬

從後鳴鉦鼓作樂前導至所屈

如開居官即使者入館遣往報受宣官令

人傳語取覆給宣之日先於本宅隨即排辨仍報所

在京府州郡差知禮數人并合用案褥等物其京府州郡須合應付隨本官往處館導引所皆從正門入

居處如本家無音樂儀從者更不排便

使者下馬執事者先於庭中望闕設宣命案極香案

并褥位

使者褥位在宣案之西

使者取宣於綵輿捧置案上

設案

上仍設衣褥

綵輿及香輿皆退使者就褥位立受宣官就

望闕位立定禮生贊再拜稍前跪上香又再拜使者

稱有制賜卿宣命受宣命官又再拜跪使者取宣於

案以授受宣官受訖置於懷就一拜興稍退恭聞宣

命訖復致於懷就褥位再拜舞蹈叩頭就拜興又再

拜受宣官近使者前跪問聖躬萬福使者躬答曰聖

躬萬福受宣官起使者與受宣官及諸僚屬相見於

所前禮畢

一受勅其日受勅官具公服就公所望闕設香案褥位

如閑官就本宅正所送勅官立於香案之西受勅官

詣褥位立定禮生贊再拜訖繙笏跪上香送勅官奉

勅以授受勅官受勅官受勅置於懷出笏就拜興復

再拜禮畢與所差官相見

迎接體例至元十年五月 日中書吏禮部據平灤路申

奉尚書禮部符文照會外路官如遇聖旨元日詔赦并差遣使者送宣於外路各官受宣勅禮數依奉施行外別不見受宣官員自齋宣命赴任并出郭迎接聖旨有元公服迎拜各各禮數體例申乞明降事又據真定路申每遇使臣人員賫擎聖旨隨路開讀府司官吏出郭迎接不知合無穿帶公服申乞明降得此本部公議得使臣人員賫擎聖旨隨路開讀隨路官司擬合具公服迎接外據受宣官自賫宣命赴任擬合依常例出郭迎接然後具公服拜聽開讀至奉中書省判送大司農御史中丞兼領侍儀司事呈依本部所擬相應批奉都堂鈞旨送吏禮部准擬施行

迎接大德七年九月二十日江西行省准中書省咨該御史

臺備監察御史呈體知朝廷差去西嶽等廟降御香使臣于祕監等一行五人起馬七疋經過站赤除正分例外多要羊肉等物縱令總領將秦川驛等處站司王思明等毆打剝脫衣服等公事呈奉中書省劄付送禮部照得祭物分例不經本部仰就便施行送據監察御史呈照勘得於祕監燕帖木兒二人起馬七疋前去西嶽后土廟降御香別無開到正從人數所過州縣預報致令官府出郭伺候連日妨奪公務又令官吏準備茶食祇待到於降御香地面合用祭物於屠戶之家權借宿羊祭祀實不欽聖上致命之意於祕監已往上都議得於祕監燕帖木兒除正分例外多餘取要羊酒麩米及祭祀用過猪羊齋料等物此間無可照勘即係有司所行事理宜從都省劄付合屬照勘依例施行今後降香人員經過去處探期行移前路連

日廢務出郭迎接有妨公事若令直至界所令人報知迎
接似不相妨具呈照詳檢會到至元八年十二月尚書省
備御史臺呈體知得宣省差使臣人員齋擎聖旨前去各
路開讀常是預先行移前路其總管府官吏率領倚郭司
縣官吏出城迎接或三四日或五七日或十餘日才方到
來以致妨奪公務今後合元令宣省差使臣斟酌驛程約
定必到日期前路官司迎接爲此送禮部照得中統二年

四月內欽奉聖旨條畫內一欵宣撫司除

至

欽此

見前察司不迎

送例舊例除迎赦詔外遇有馳驛官到彼不得行移前路預

先準備擬合依上施行移准中書省咨該都省議得除赦
詔并齋擎御寶聖旨使臣預期一日行移前路官司依例
迎接外其宣省差使臣人員如無齋擎赦詔聖旨不須迎
接以妨公務已經遍行合屬照會去訖今據見呈都省咨

請行下合屬依上施行

又至大二年五月江西行省准中書省咨至大二年三月初二日奏過事內一件御史臺官人每與俺文書大甯等處開赦書聖旨去的使臣交迎接者麼道說將去了二三日之後來到的也有來呵遇着雨雪也要穿着公服有收拾戶計打捕豹子的聖旨也交迎接有城子裏勾當限遲悞有麼道那裏的廉訪司官人每俺根底與文書來江浙省官人每也與將文書來和尚先生并多人每賜與田地來的爭家私的上頭與來的聖旨令旨懿旨御香連併來有有俺官人每各衙門官吏官每接送呵限誤了勾當說將來俺商量來行省廉訪司官詔赦聖旨依例體迎接者經過處體開者若行省與廉訪司有合一同干碍的聖旨有呵各一員官迎接其餘的聽者除這的外寺觀多人根

底與來的執把的聖旨呈獻的鷹鷄豹子希罕的物貨有呵休交迎接呵怎生奏呵奉聖旨那般者欽此咨請欽依施行

察司不須迎接祇待至元十六年三月行御史臺據淮西江北道按察司申廬州路牒兩淮運司差使臣賫擊聖旨前來開讀準備迎接檢會到按察司承奉御史臺至元八年正月二十八日劄付該中統二年四月內設立十路宣撫司聖旨條畫內一欵節該宣撫司官除赦詔迎送外其餘並不須迎送祇待以妨公務緣提刑按察司與宣撫司俱係一體監司衙門呈奉中書省劄付該都省相度仰照依元立宣撫司欽奉聖旨條畫事意施行

省部臺院所差人員不須迎接至元十九年五月御史臺承奉中書省劄付體知得省部臺院各監諸衙門差去各路

勾當公事人員比及到彼先令前去報說致使各處正官出郭迎接不准妨奪公務倘有迎接不到其差去人員因而織羅其間取受打發錢物深不便當都省除已行下各衙門并劄付禮部通行各路今後除聖旨令旨諸王駙馬朝省大官人經過必合迎接官員許令迎接外其餘省部臺院各監諸衙門差去人員并不得打發人情錢物仰行下各道按察司體察施行本臺除外行移咨請照驗施行

經過使臣休接至元二十四年六月二十四日御史臺承奉尚書省劄付該蒙古文字譯該怯里馬赤阿散言言語腹裏地面裏但有的管民官每看守城子軍民每根底覷着呵來的去的使臣每根底接送元委付來的勾當裏也到不得一般似有俺一般行的或好或歹使臣呵我是上位差來的使臣奉御麼道說着數行文字有爲那般的管民

官看守城子裏軍官每撤下勾當每日賜迎送使臣有麼道奏呵安童相哥那的每根底說教文字者那一箇城子裏有開的聖旨呵那城子裏的管軍民官教接聖旨了也至元二十四年四月十八日安童怯薛第三日幹耳朵裏火兒赤房子裏有時奏欽此都省除外合下仰照驗施行聖旨事意施行

迎接委官一員餘者辦事至元二十九年十一月 日中

書省咨禮部呈准河東山西道宣慰司關備平陽路承准河南山西道肅政廉訪司分司牒該先准御史臺劄付檢會到先欽奉聖旨節該往來使臣城子裏役勾當的休入去有如勾當的入城去底使臣於係官館驛內安下並不與官員民戶舍房安下如違治罪欽此照得本州南北驛路諸事冗併不時諸王公主駙馬經過祇應浩大又有

朝省官員并西番大師人等俱賞擊聖旨前往安西等處
開讀並不經直於本州城東馬站倒換馬疋經過却行入
城便要迎接大小官員人等出郭從朝至暮等候少者不
下三五日多者十數日不見到來致將事務耽誤不能理
問儻然到州取勒官吏怠慢招伏不惟如此徃負罪責事
繁利害乞照驗牒請欽依聖旨事意禁治施行府司除欽
遵外又照得本路正係衝要驛程事務繁劇日逐官吏同
共公署尚未得辨不時亦有公主駙馬并出使官員經過
有行前程文字或令人飛報須要迎接以本府衆官必須
出郭迎接即至者有之數日不至者有之似此妨誤事深
不便今後若有必合迎接官員止摘府官一員出郭迎接
餘者管辨府事似望不致耽誤乞照驗事當司看詳若准
本路所擬實爲相應關請定奪本部議得除出使人員已

有不須迎接定例外諸王公主駙馬經行去處如今路衆官出郭實妨公務今後若有必合迎接者依准宣慰司所擬摘委府官一員依例迎接相應具呈照詳事都省准擬大德七年十一月 日江西行省准中書省咨今後凡有進獻諸物毋令迎接所由行省併總司開寫來人姓名經過宿頓去處例合應付物色差人管伴依上祇應如是非理擾害各處官司具姓名申覆所屬上司咨呈都省除外咨請依上施行

開讀許令便路元貞二年七月湖廣行省准中書省咨御史臺呈准行臺咨每遇朝廷遣使賫擎頒降聖旨詔條前來除使臣經由去處就許開讀其餘不係經過去處合從行省欽依選官前往隨路開讀來使不應往而往者理宜禁止若本宗事必合親赴開讀者不拘此例具呈照詳都省

五十四
典章卷二十八
准擬咨請照驗施行

使臣就路開讀不許輒往屬郡皇慶元年正月行臺准御史臺咨奉中書省劄付來呈淮東廉訪司中切見揚州正當南北繁劇去處朝廷遣使分道宣布詔赦聖旨該係江浙省一道必須此處開讀河南行省又復差人來過歷州郡不惟致使各衙門官吏迎接妨廢公務虛負鋪馬首思今後遇有詔赦聖旨宜從都省劄付差去江浙使臣經過河南拘該驛路就便開讀似爲便益送據禮部呈看詳如准御史臺所言相應又照得凡遇頒降詔書聖旨所差官照依元坐前去各處行省宣慰司衙門開讀既已開訖理合回還其差去官多因已私輒往屬郡僭越開讀不惟首思鋪馬中間實有未便似亦合行禁約都省仰依上施行

典章卷二十八終